

T 3205/5330.82

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 15 1941

6

秦州志卷之六下

哈佛大學漢和圖書館珍藏印

列女

唐 徐氏庾府妻夫沒教 四子義方經明行修

宋 姜氏張儀妻年二十而嫁越二歲夫亡孀居守義

壽六十五終延祐六年州倅衡中順申聞旌表

元 張氏名貞盛爨綱妻至正癸巳賊寇秦州氏為賊

所得犯之弗從賊露刃懼之罵聲愈勵賊割其左

肱筋骨盡露罵不輟卒見殺時年三十一編修蘇

大年為撰墓誌

卞氏年二十三以良家子為江浙行省左丞潘元紹

妾元紹將敗趨入室以帨自經同死者七人號七
姬墓潯陽張羽作權厝志記之

明

陳氏年十八嫁士民李巖越十有一年而夫亡守
志弗奪壽八十州守張遇林具奏御史呂俊嚴實
洪武三年旌表

劉氏朱斌妻也年十九而斌卒遺孤懸童僅一歲劉
氏能執婦道奉舅姑及歿葬之如禮雖子幼家貧
終無二志永樂二十二年旌表

竇氏陳貴妻夫早卒遺孤方四個月竇氏業紡績養
舅姑備歷艱辛栢舟之風凜然宣德元年州同何

珣具奏旌表

何永明妻沈氏二十三而寡弟永昭妻楊氏亦二十
三而寡沈子謙楊子誠皆在襁褓相與死守惟勤
女紅終養其姑二子各獲有成蓋天培完節也郡
守匾其堂曰雙節

趙氏王本妻夫歿年二十四堅心自守誓不再適非
歸寧及謁墓祭祀中門未嘗出其侄教諭王定在
太學時於景泰六年上其事命下而節婦歿矣

顧氏年十九嫁胡鎧踰年夫亡遺腹四月誓不再醮
生孤鴻時家貧姑老紡績以養比歿鬻衣殯葬亦

畧成禮孀居五十載冰霜比操有司請旌表其門
周貞卿者周沂之女通書史問知大義年二十三歸
庠生許鏊值門祚衰落躬親紡紝資其力學僅二
年鏊卒無所出日夜哭不絕因自縊翁媪覺而救
之得不死遂絕黛墨跡不踰閫日上堂奉姑惟勤
不以貧窶養少衰及終哀毀甚至與其侄相依爲
命嘉 收元奉詔書恩例郡守金廷瑞具絹綿米
肉勞之

韓氏叅政斐女百戶熊綱妻也年四十未有子側室
陳氏生子政韓字之如已子以襲父職鄉人賢之

有王氏者北京驍騎王世英女綱督戍抵京媒妁
詭言失偶求婚於王比歸始知列在小星乃自安
義命無恙容綱卒內外咸謂王少而無子當別適
會有同知王某喪其配同亦燕人女媒議及之王
怒詈其子政曰焉有以母事人而忍以醮人者耶
卽自髡其髮坐臥一室守志終身人以爲賢節萃
於一門云

儲氏太學生劉啓賢妻庠生光裕母也舅臥癱病夫
患贅瘡朝夕虔侍者十餘年甫三十舅與夫相繼
捐館事姑育子備歷劬勤姑患大腸燥結如廁必

得入徐導之儲氏朝夕同起居以身任之者二十
餘年或欲代之必曰姑年老汝輩不審輕重不可
曰此予分內事何與他人姑竟以八十壽終教
義方早年入泮亡何暴卒於外悲號辛楚惟撫
婦張氏坐以待斃年七十餘日夕勤女紅無懈郡
中語孝節者必首稱焉

沈氏少司馬沈良才女十八歲歸諸生陸應昌半載
而寡撫遺腹子必大亦爲諸生守志至七十三而
卒遭家道旁落含米茹荼人所不堪而無秋毫見
顏色臨革語侄道隆曰好送我至海安海安乃應

昌之穴所在也其始終不渝之節彰矣撫院屢賜
粟帛至萬曆丙午按院黃題請建坊旌表

王氏富安塲崔邦仁妻夫亡無嗣王年二十七撫猶
子希旦守節六十餘年鹽運司副使楚孔生題其
門曰倡導九州風化擔當萬古綱常具呈撫院奏
聞匾其門曰貞節壽八十五乃終

王氏適生員顧廷問未三十夫歿哀毀絕粒誓不欲
生舅姑百端勸慰乃茹慟撫訓遺孤夢圭夢麟并
遊庠序季叔廷策無後遺產千金族議仲子麟爲
嗣氏峻辭不許曰未亡人何以見夫君地下也發

居五十餘年壽逾八十各院屢經旌表

李氏杭週側室夫卒年二十七無子止育一女人有議其再適者則峻辭詈絕之杭氏一敗塗地宗中一無可托依女夫郡庠生潘體元矢節彌厲五十餘年乃卒

孫氏楊氏安豐吳渢妻妾楊氏生子守斌五歲渢亡孫年二十九楊年二十七同心守節後孫早卒楊年七十餘齋院屢旌表之里中稱一門雙節

徐氏繆廷桂妻桂卒無子徐年僅二十五撫猶子好義爲嗣好義卒更撫從孫師文爲好義子惓惓爲

夫一念五十年如一日也

繆氏年十九適鹵丁張鶴三年鶴亡誓不再醮年六十州守轉聞當路署門獎之高陵呂公爲序以彰其懿

徐氏茅家莊翟賢妻年逾二十夫亡無嗣守志奉孀姑柳氏有族人利其產以子爲之後且諷其姑迫嫁之遂引刀自誓姑歿殯葬如禮盜夜劫其莊率相戒毋驚翟寡婦其節操卽強暴稔知之

阮氏諸生李國柱之妻夫卒阮年十八撫遺腹子天培相依爲命守節至四十餘年卒

李氏戶部王事李彬女適生員沈行可沈早卒無嗣
僅一女李年甫十七守節自誓無二志萬曆十三
年代巡李棟郡守李裕旌獎優以粟帛之典
葛氏工部主事陳應詔室夫卒甫二十自矢從一金
石比操撫子于蕃入庠蚤世遺媳章氏年二十三
侍奉嫠姑同處一室時廩先元鼎尚在襁褓也雖
粟帛已沐恩而建坊則尚有待焉

顧氏名淑賢封御史顧雲鳳之女年十七適夫王曰
昇本駸惰不通人道顧委心事之無怨尤未幾昇
故依母爲生母病刲股調愈孝聞當路守節歷五

十餘年壽七十有七猶是處子比歿遺言合葬昇
墓各院疏請欽賜建坊旌表其門

盧氏適海安鎮民徐冕年二十五夫卒時子耀甫數
齡盧許以身殉勺水不入口者五日忽假寐若有
告之者曰死矣柰孤何乃強起食貧撫孤幾四十
載撫按鹽院屢經旌獎耀舉戊辰進士上疏建坊
章氏適把總張鎧隆慶五年鎧卒章時二十七生子
選甫二齡家貧無倚矢志撫孤辟纊資贍苦操歷
五十餘年壽八十六各院交獎建有貞節坊
杜氏河泊所張子致妻年念八生子雲翼彌月而夫

卒卽茹素自誓撫孤繩線中蓋寡言笑絕跡歸寧
如是苦節者歷五十九年壽八十八無祿子先氏
卒氏一慟幾絕聞者傷之屢經各院旌獎

袁氏仇科側室也二旬夫死無子終身守節年九十
三而終院道屢旌歲給緡帛今建有貞節坊

沈甫妻錢氏徐述妻丁氏海安鎮陳湘妻徐氏生員
沈試可妻徐氏生員張梯妻陳氏皆早歲夫亡家
貧守節歷四五十年而舊志所載可卜完節者也

以上爲婦節
以下爲女貞

顧氏名善金顧文昱女許聘軍貫鄒寶未歸寶往成

西粵卒於伍父母舅姑勸之改適女曰我身雖未
歸卽婦也可再執他人箕帚乎遂斷髮自誓以女
終其身年逾六十而卒家爲立紙靈以祀之隣有
回祿延焚其家惟紙靈如故衆驚異爲貞烈所感
云

向氏名隆海安鎮向穗之女三歲詐聘同鎮朱舜年
十六舜死訃聞哀甚將死之父母察其意爲防守
越三日穗往奠女欲從行穗不可女指釜中汁給
母曰我餒甚安得菜爲之羹母出攜菜歸已縊死
矣時暑月家貧數日始殮面色如生事聞旌表

李二女年十九許聘繆時雍未于歸雍卒女聞訃卽
欲往死父母力勸諭之涕泣不食越六日乘間縊
死事聞旌表

錢滿兒錢碧女年二十三許聘梁梁塲徐恩未迎婚
恩暴卒聞之悲噎廢食潛自縊死事聞樹坊表墓
以上舊志以下宮志

泰州志卷之六

列女傳

明

張氏存簡公文女生時有二蛇蟠互名盤龍不輕

許人從童館識徐公蕃許焉母夫人不憚存簡公
自備儀物令徐羅致其門比于歸方數日蕃盟面
夫人以悅投之失敬慎意蕃拂袖出家人再四問
不言夫人喻意隨翁姑親詣陳請乃自書齋歸冢
子嵩官順天巡撫父子繼貴爲雙蛇夾生之應嵩
配錢氏繼高氏高爲少保文義公長孫女前輩稱
其孝敬視庶孽若已出嵩撫順天時以儉人胡守

中事註誤留京高夫人寢苦飯餽數年嵩歸乃已
陶氏諸生王三極繼妻也極前配田氏賢早卒陶
氏生子相益極中道下世陶率相益與孤姪相說
孝養九旬太翁太翁足癩且有結下疾陶輒時跪
翁側伺其意指每飯必親引匕箸或便則令兒姪
扶掖起卧雖夜分未或離令兒輩誦讀榻前已經
緝督之越數年翁歿母子伯姪哀毀異常喪葬如
禮以相益攝福州海防同知奉使有功封太安人
相說官侍御陶年九十餘子與賓筵而母猶康壽
陳氏贈侍御王三重妻也重幼時氏伯父太僕陳

蘭臺爲諸生見而異之以氏許字焉厚其奩具于
歸不數日重有所負出金飾償之無吝色重入學
遲攻苦甚氏黽勉同心有疾躬自煮藥以進重愈
而氏病遂不起獨子相說年十有九矣重誼敦結
髮誓不再娶亦其賢德有不可忘者相說登第贈
母太孺人

韓氏中憲劉萬春元配里中叙述賢婦必首稱氏
蓋當家世全盛之時食報詩書享受至厚子懋賢
懋賢韓氏出而湯孺人生懋勛葉孺人生懋寬賢
勛先後得雋宜鄉曲以此多之當劉公少時苦讀

達旦母亦擁衾不寢比曉親焚羹以進以是相夫子有成尊嫜微不憚立戶外不敢歸劉公遠宦必留侍卒時出一篋付諸子則為尊嫜執爨時敝衣裙各一曰謹藏之師吾儉且勤也賀誠必首無天黃氏侍御王相說元配自說為諸生相夫子讀書有成持家政嚴而有體穆屈逮下副室施氏朱氏皆賢淑和柔順氣所聚之子姪繁昌施氏所生孫駝舉庚子鄉試為邑令有聲朱氏所生孫驥亦領已酉鄉薦筮仕邑宰並與嫡兄孫驄相友愛待季弟孫駟文章德行交勉無間固其父庭訓之嚴而

賢母之閭教亦足以裕後昆也

潘氏中憲宮繼蘭元配潘世書香氏能執婦道蘭攻苦下帷日給蔬具必留已饌晚供夫子翁姑年八旬浣濯躬親不令人代翁姑一日見所居三楹皆結綺流蘇謂氏曰汝昌後之祥也蘭讀書付家計不問賴氏操作得專心詣業年三旬外方舉偉鏐氏欲為置妾蘭曰待成名後未晚戊午丁丑間為置副室始終幾微無間待僕婢及細人尤有恩宮氏三世單傳至偉鏐族始繁論者謂氏事上逮下可垂閭範宜其後之昌也

國朝陳氏明經元鼎姊次山公女孫也幼許聘李待先
會李成童雙瞽聞于陳毀姻約氏方七八歲號慟
投地後白首偕老待先旣以雙瞽強記課子嘉蔭
有成而母知書喜博覽多佔畢之助封安人同母
姊氏適諸生袁紹先錦軸牙籤時平鸞鏡自幼至
老手不釋卷堂上二親俱壽近百旬如賓如友從
無間言而紹先夫婦以艾年祇事子明經懋官有
文名亦賴母教居多紹先年八十母年九十有一
謝氏丁士毅妻事姑孝相夫敬御衆惠初毅艱于
嗣謝以爲憂脫簪珥爲聘妾陳氏生茂才資乾陳

卒謝撫之如已出謝年三十四始生孝廉日乾茂
才行乾及其弟法乾當其婚冠同居諸子媳或有
間言謝每直陳之子媳而且歲時伏臘長幼之序
不少紊也初行乾居中堂而資乾好逸居別業比
析居必引資乾付中堂故諸子媳之事謝生樂死
哀如一母焉

孫氏庠生沈元美妻保定太守喬生之母也元美
遊庠三年齋志沒舅養冲方五十姑范久故繼姑
翟卧病氏廿有三歲茹苦撫孤事舅及繼姑竭力
凡三十七載教子官至太守歷奉撫道府州旌表

有云奉堂上之雙親承歡踰于孝子撫懷抱之幼孤教養過于嚴父後其事上聞得旌表焉

李氏幼適張兆麒不苟言笑事姑仇氏以孝聞時太姑杜氏守節老善病嗜梨棗食必備每夕必先至姑卧內問寢旋至太姑卧內宿榻前伺其呻吟反側藥必嘗之然後進若梨棗則口哺之繼以乳忽遘疾卒兆麒繼馬氏復以善行稱聞麒前配李氏奉翁姑嘗藥諸事心慕之撫前妻子琴如已子琴事之亦與生母無異兆麒卒氏年未三十誓守節課子琴成進士

王氏葉希貴妻其先絳州人居秦州富安場守節四十餘年篝燈夜績無間寒暑教三子甚嚴雖已婚娶稍違命猶必撻之或深夜遲歸屏息戶外不敢扣門老健日明燈下猶能刺繡諸子或餽粥膏火不繼出女工所積者助之季子蔭生登江南巳酉賢書氏年八十以壽終有司旌其門

貞節

繆達妾萬氏繆好文妻陳氏青年寡居白首全節李氏孫世華妻華死氏二十以節誓或以二天勸之氏破面以示事孀姑育幼子姑病割股活之年

七十五卒時以所餘破面割股血衣示子孫遠近
聞有異香隨之

張氏吳允執妻執山東蓬萊人從族子孝廉纘姬
業泰州娶安豐場孝子張蘆女執死氏從容治殮
事後三日縊于夫側

張氏庠生吳應芳妻芳少單寒事父母最孝氏潔
饋烹膏悉經手治及姑卒典珥脫瑱以襄事夫病
割股夫死遺藐孤嚴課四十年卒七十有二子之
雋庠生年已艾號泣如孺子

李氏袁懋年妻年家四世登科年復早遊庠序能

文章旋病沒氏苦節踰四十年撫子爾萃業儒有
文名

于應鰲妻戚氏 許揚震妻周氏 儒士季千之

妻吳氏 王翼虞妻高氏 生員陳成祉妻黃氏

皆青年寡居白首全節

侯氏生員王好善妻善卒氏纔二十有九遺子三
正甫彌月家甚貧工紉績以給糜粥及三正六歲
授書氏拮据脩脯凡二十年三正補弟子員九試
棘闈以明經任上元學博氏壽七十有四孫相宜
邑諸生曾孫驥康熙辛酉經元

張氏少穎悟父雲翼日以古史口授子兆麒氏觸類引伸古人本末未嘗誤一字年十七適恩貢劉際春春知名士夜讀必五鼓氏篝燈聽之及曉亦成誦夫早世氏年未三十撫孤矢節備嘗諸艱逾五十年至八十乃卒

吳氏安豐場王宗妻宗不男吳執婦道恩誼最篤夫死全節而終

吉氏草偃場楊慶祿妻昭陽進士宗城女甥也夫死不再適以姪為子撫之成立有女適魏汝悌兵部尚書魏應嘉之姪也

王氏泰庠顧天球妻顧中年無子置側室翟氏天球亡翟生遺腹子一珥兩人同矢志撫孤有窺竊家計者謂珥非天球子親族為之不平王翟訟之于官請刺血以明正偽比刺兒血滴棺上縷縷入木及一珥稍長貌酷類天球今為泰庠之彥天道之不可厚誣有如是哉後王氏壽九十九歲顧氏理問潘昌後妻事繼姑高氏以孝聞姑疾割股氏年九十無病卒人以為孝繼姑之報

蔣氏張鑛妻鑛卒撫孤日昇日明教養備至昇中丙子武鄉試日明入學亦領鄉薦

劉氏張應祥妻祥故氏年二十七撫孤子五人成立次子潔割股救親人稱其孝

劉氏進士大叅萬春之女嫁太學凌國禎大中丞儒孫也夫沒氏年二十九課子响成立有聲庠序陳氏徐鼎鉉妻氏未三十鼎鉉逝遺藐孤弘姑病亡翁益孤苦氏能以婦代子翁自五十至八十歷三十年而氏孝養不衰家道賴以有成課子弘入庠序里人舉氏節孝請旌州牧嚴公勸云緣成破鏡志矢空幃菽水承堂上之歡熊丸教膝前之子人以為實蹟云

吳氏安豐場庠士鄒萬里妻鄒能文章天啟辛酉春同父郡試姑暴疾氏倉皇失措醫罔効祝天割股肉和藥以進姑服之即愈

楊氏黃呈耀繼妻呈耀仕廣東龍川縣歿于任氏時年十九孤子鏊備歷艱險扶櫬還家教鏊讀書入州庠鏊娶朱氏夫婦早世氏又撫三孫潤藻渭等長孫娶王氏早世氏又撫曾孫懋極標等及玄孫炎龍炎鳳炎麟守節六十五年撫三代遺孤閱五代十四孫壽八十四

王氏生員朱佩熹妻佩熹年二十九卒無子氏年

卷之六
二十三守節四十年弟淑熹以次子光岳嗣兄後
補博士弟子

張氏爾侯女朱式熹妻式熹爲宗周之孫天與之
子紹承家學補邑弟子員年三十病篤氏割股肉
以進獲愈

袁氏庠生沈嘉木妻木少司馬良才元孫年二十
餘卒氏矢不再適撫子壽焯業儒婚嫁成立

李氏陸和玉妻夫卒氏年廿二撫幼子駒成立年
五十時諸孫盈前駒學憲舜從子也舜爲文祝氏
壽謂陸先世沈少司馬女嫁諸生應昌撫遺孤必

大與氏相輝映見陸氏世多閨德云

郁氏黃巨卿妻生二子夫亡教子以義子雲受知
前州守陳素後守罹難知交迸散無敢問氏趨雲
就之脫簪珥佐裝雲得職納橐餽事白登堂謝君
子以爲無愧賢母云

王氏王應麟女適唐氏生子踰月夫卒夫族勸改
適氏曰若輩慮吾無養耳父母豈不能養我乎遂
抱弱子歸母家清苦守節廿餘年父鰥居清修不
娶氏撫諸幼妹營甘旨孝養其父氏後有疾適值
夫忌日沐浴更衣率其子拜奠曰吾與而父同日

死矣從一而終吾復何恨旋卒閭里皆嘆異之
宋氏方爍妻夫業儒未售客死江西氏年二十七
子山五歲氏茹貧守節未幾鄰人火家無以自給
氏勵志益堅日夜鍼綫訓子讀書子山補弟子員
高氏王三旌妻守節撫孤相光有聲庠序
李氏千戶兆熊胞姊年十六適劉和二年和死于
盜氏矢志復讐訪知大盜仇六仇七控院道府州
四緝正法遺腹生子文明巡方劉興秀州牧徐日
升旗表氏年五旬餘文明生子濬受麟經應制科
氏壽六十有五

徐氏泰州所鎮撫應襲王志正妻夫亡氏年廿一
生子岵甫十月矢志冰霜備歷諸艱以全大節閱
今五十二年

錢氏姜應舉妻夫亡氏年十九守節撫孤事姑曲
盡孝道學道張旌之

王氏港口鎮周行妻行卒于淮北氏年廿八截髮
毀容終身不二父母憐其苦節兼無兒女撫養之
四十七年壽七十五歷任州牧旌獎

王氏沈南迎妻年二十五迎病氏割股療之未幾
迎卒氏勤苦力家撫幼子士雄成立氏壽九十一

孫允文有聲國學里人舉氏節壽州牧嚴公勸云綺歲菽水承姑中年柏舟矢節井臼克操家業詩書垂訓子孫五十餘年如一日九十一歲無間言皆實錄也

繆氏蕭建齋妻二十七歲早寡遺孤二家貧甚繆以女工奉翁姑二子長授之室子婦又相繼沒又撫其孤以成年逾八旬

葉氏太學生程應東妻東故時氏年廿八孀居茹苦撫子時瑞成立閱三十二年督學簡旌之

朱氏鄉飲賓朱蘭亭女年十七適夫程國俊四載

國俊歿氏年二十堅守苦節上事翁姑下撫遺子

克盡孝慈長子程棫業儒次子程楷俱成立

丁氏夫戚瑞徵夫早逝氏年二十一苦節奉舅姑撫孤雯炳無忝節孝

顧氏顧文昱女年十八字同郡鄒氏子寶寶卒於戍父母舅姑勸之改適女曰我雖未歸鄒卽其婦也豈可再執他人箕帚耶遂斷髮誓以女終其身年六十餘卒母家立紙靈以祀之比鄰火延及燒百餘家其家亦燼惟紙靈無恙如是者再人云貞烈之感時名公卿多題額以旌之

向氏海安鎮人年十六許字同鎮朱舜舜死訃聞
父往奠女欲從行父不可因給其母他出卽自縊
死時暑月家貧數日始殮面色如生事聞旌表
李二女年十九許字繆時雍雍卒女聞訃卽欲從
死父母力勸諭之涕泣不食越六日乘間縊死事
聞旌表

周懺女梁梁場人年十六許字本場王興興病故
女卽自縊死州學聞于鹽臺曹一鵬建坊表之
張女名明貞父日梓世居吳陵之溱潼明貞七歲
曾許字周士英士英蒙懦饒于財方議婚而文達

夫婦相繼死文望者文達之弟也利其資謀斃士
英明貞時年十九矣自髡其髮毀容飾垢衣履日
持牘控諸當事而與母舅黃太和偕出入同謀議
當事咸感其節烈疏請于朝文望擬罪如律于是
舉祖舅祖姑及舅姑士英之柩悉祭以禮而窆之
加封植焉葺其廬祀周氏木主惟資其瘠薄之數
畝以給晨昏免凍餒而已
以上宮志以下十場志

以上官志以不事舉德而色如生事問旌表
 籍以錄其有食來於而也
 賦性醇樸其氣溫厚以本主辨資其德
 舉其血故文其士與之辨亦足以
 當其氣想其清德而與其大味
 其則貞節事十次突自其其變
 夫獻其繼其文望其文藝之
 其資其繼其文望其文藝之

王氏盧坦妻年廿餘坦病瘵每吐淤血氏啜而飲之
 既寡繼姑以其少恆欲嫁之誓死不從卒成其志
 王氏張小田妻年二十六夫亡撫孤自守勤儉持家

崔氏適安豐吳守勤年廿七守勤死貧且無子族人
 將嫁之崔以死誓曰吾雖貧決不相累移近母家
 以葦蓆為小厦僅足容身緝蠶以給晨昏有憐而
 周之者嚴拒不受食雜糟糠衣懸百結年六十八

始卒
 崔氏吳邦顯妻年十九夫亡遺腹子方數月翁姑憐

其少將嫁之氏不從曰安忍為不義以愧亡人自
甘貧苦撫孤有成年七十餘足不一履戶外

薛氏崔希雍妻薛琪之女雍娶二載即逝遺孤汝善
方數月乃謝絕鉛華苦志自守至六十餘歲

梁氏崔廷諮妻廿餘歲而寡遺孤數月撫之五十餘
載粗糲自甘終身不厭

姚氏徐銘新妻初寡時里有強少欲娶之百計圖謀
矢死不二食貧撫孤年六十八而卒

李氏周繼元妻二十三歲元歿無子且貧家計蕭條
妻楚萬狀而含冰茹蘖始終不逾年八十七乃卒

薛聞瑄輓之以詩有操等栢舟心更苦節同淄水

遇尤窮之句

呂氏庠生何璟妻年十九寡撫孤有成壽至八十四

歲撫院旌曰勁節流芳

崔氏楊燿妻燿卒時崔年廿九歲食貧撫孤懷寵壽
至六十五

吳氏朱增勝妻年二十三夫故遺子甫周歲茹苦自
守撫孤惟和成立宗祀賴之

盧氏徐冕妻年二十五夫故遺孤方二齡誓以身殉
勺水不入口者五日昏憤中若有告之者曰死矣

奈孤何盧悟乃強起食飲堅操四十餘年竟教其子成戊辰進士仕至都察院副都御史卽徐耀也胡氏楊林妻年二十七夫歿遺孕方數月貧窶不堪及生得男苦志自守時值倭變歲凶勞瘁萬狀孝事舅姑卒喪祭如禮壽至八十八歲

章氏韓寧妻年二十四寧卒遺孤甫三齡力貧苦守撫孤成立至老巖峻猶若少時

劉氏韓鵠妻方廿齡夫歿家道式微舅姑衰老庶姑生子方數月而庶姑又歿劉竭力撫育卒全劉宗吳氏崔廷基妻年二十一夫故無子或勸令改適號

泣不食誓以死貧無依還母家然朔望必歸省其姑時時緝繡以給其衣履及姑終葬祭以禮齋臺王旌曰節凜冰霜年五十一竟終於母家

周氏郭志文妻廿九而孀撫孤有成壽七十七王氏年二十七夫崔邦仁故并無子女王泣欲同死父母舅姑憐其少且無嗣勸其改嫁誓死不從撫猶子希旦勤紡績以養姑運副孔楚生題其門曰倡導九州風化擔當萬古綱常

王氏郭真卿妻年二十二夫沒力貧撫孤郭華娶婦申氏無何華又歿而無子乃取宗人子爲申氏嗣

姑婦相依為命申更嚴飭且能孝事孀姑申
丁氏吳必妻年二十七矢節苦志三十餘年守身如

玉
劉氏王佳登妻事舅姑以孝聞姑病危劉為封股以
進病因得愈

申氏郭煒妻事舅姑孝謹治家操切雖隆冬祁寒未
嘗晏起夫歿課子孫以孝弟年八十時嘗坐牆側
牆忽傾壓失申所在家人號泣遍覓見申乃端坐
牆中甄石壘壘毫髮不傷家人驚喜詢故曰吾夢
中也後又閱數年始卒

劉孟劉戶部郎劉弘宇女幼字侍御張承仁曾孫世
睦未嫁世睦方弱冠以下帷攻苦得癘疾不曉人
道其父孔怡憫劉閨淑密語女父令他適孟劉聞
之泣曰兩髦宛然河清可俟忍為不淑以玷兩家
門第乎且禽獸行非人所為也若必奪吾志惟死
耳自是謝鉛華衣縞素至三十三歲忽膺疾不起
將訣語侍婢曰取篋中金簪來簪至乃自插髻間
危坐而逝蓋簪乃張氏聘物也

周氏崔克臣妻年廿五喪夫翁姑父母令改適堅不
從指兩孤誓曰所以忍死者冀全崔祀也不然豈

願偷生哉卒撫之有成
朱氏丁思悟妻夫故時年二十九孤長存生始六日
無翁姑伯叔茹苦死守竟得成立迄今年八十孤
亦五十矣

崔氏丁可道妻可道死崔年僅十八遺七月之孤族
人將嫁之崔懼不免晝夜抱孤啼於室志不欲生
衆感悟而止至三十七歲以病歿臨瞑時欣謂家
人曰吾志得全矣遂偃卧向側而逝

崔氏丁可進妻年二十六始生子而可進亡有言及
改醮者崔斷髮毀容指天日泣誓今年六十三操

持尚如初稱未亡人時二崔皆朱氏媳也亦可謂
婦姑繼志矣

吳氏周尚燠妻二十五歲喪所天撫遺孤汝齊於襁
裸煢煢孤嫠重以燠祖之喪塋緝績爲生一切仰
給於十指苦志二十餘年至四十八歲而卒

高氏崔汝震妻幼知書工女紅二十二歲稱未亡人
守身嚴峻三尺之童不使得入戶姑王性操切又
不甘澹泊高曲意承奉粧資衣飾盡易以供姑饋
饍又不足則佐以十指後姑歿粥產以襄葬祭務
從豐厚今年已五十復撫孤孫可謂遇厄而操貞

者也

王氏吳自省妻年二十未有子而孀所居傾圮數椽風雨不蔽糟糠充腹冬無完衣而矢志愈厲且能孝事繼姑不失婦道迄今七十五歲秉節已五十餘年無子無家沒齒不易其操較之尋常節烈難之難矣

何應德妻王氏齋出心齋先生後素嫻閨訓應德歿王年二十八遺一孤在孩赤家窶甚織紵紡績僅以餬口一遇凶饑卽藜藿不飽王甘之無怨

吳氏崔希乾妻年二十八希乾卽世初撫孤子後撫孤孫艱苦不可名狀壽至九十一歲

薛氏崔希雍妻年二十九特生子善數日而寡家人勸其易志堅不從饑寒貧乏百折不回至七十三歲而卒事載州志

鄧氏適盧喆匝歲而喆下世鄧時年十七有妊一月後生子植矢志不二端莊嚴肅謝絕鉛華親族奉爲姆儀

漆氏于歸盧應徵年十八生子文先甫三月而婺長能教以義方不務姑息以故文先爲鄉里端人前曾任兵憲劉旌之年七十四而終

魯氏盧鳳毛配于歸僅半載守三月之娠稱未亡人
家極貧終歲惟績紡以供朝夕窮苦至老壽終八

十八歲

新增○已
上富安

杭氏竈民傳本妻本故杭年三十生子寅方七歲守
節撫孤至成立

錢氏傳寅妻杭氏子婦也歸寅未久寅病卒孀居矢
志如其姑養族人子以續傳祀

王氏心齋先生女姪孫嫁爲黃燧妻夫死無子孤貞
苦節歷五十餘年鹽院龍旌其門曰天植完節

房氏馬理妻年二十四夫死家貧守節最苦至七十

七歲堅貞如一日臺使者旌曰一門節孝

陳氏周天佑妻夫死時年二十二守節五十五年孝
養舅姑極其誠敬有子維新訓以義方遂早列席

序

林氏曹均妻年二十六守遺腹三月子應詔甘貧撫
孤竟至成立後子孫甚多

胡氏姜儒妻年二十四苦節撫孤諸艱歷試堅貞如
初壽至八十餘歲

翟氏李鑑妻年十九矢志家貧苦節撫子維楨教之
以正壽七十七歲

房氏庠生姜克駿妻年二十守節安貧茹苦沒齒甘之如飴

袁氏夏氏 袁氏曹朋妻夏氏沈瑜妻朋瑜皆業儒

早夭二氏無子苦志自守士民交口稱之例得並載

張氏葛天民妻事姑王最孝王壺範嚴肅張曲意承

順毫無忤色姑疾篤禱以身代尤能勤儉相夫故

天民得專心問學卒成醇儒

鄧氏陳七兒妻未嫁時陳犯大辟有勸之他適者女不欲聞即日投繯而死分司徐公旌曰綠窗正氣

採舊

誌

李氏房可昌妻年二十七可昌病故孤永奇時在襁

褓立志死守繼姑陳計必欲奪其節李懼不免乃

密懷利刀將以身殉家人畏而止因得全操孀居

近六十載壽八十一兵憲李鏐運楊俱有旌

沈氏適夏雲吉以業儒攻苦卒於羸沈年十九耳哀

號絕粒將以身殉已而顧遺孕世長用孀姑慰勉

而止自此事姑鞠子悉取贍絰績今年六十守節

已四十年矣

劉氏曹珏繼室也年二十一珏即世已無出則撫曹

前妻之孤孤年僅九齡素善病爲多方調攝得無恙嘗慮曰此曹氏四門之一綫也脫不保吾何面日以相見地下乎後壽至八十九歲房可文妻劉氏年未三旬堅貞矢節以撫孤家甚貧而志不易壽至八十二順治五年分運朱優獎之葛永芳妻楊氏永芳歿楊年廿五孤長者三齡次未暮翁姑令他適楊斷髮以明志乃止饗殮悉出自女工先朝曾膺獎卒年八十七王氏翟光啟配年二十一光啟天事舅姑教孤子皆曲中禮法衣粗食糲甘之如飴今年五十五

戚氏丁鳳池妻未三旬而夫亡守兩歲襁褓之孤翁姑俱耄家無四壁養生送死悉以婦代子職茹荼藥五十餘年

丁氏張應登妻曰嬪未幾應登以疾故丁年二十二矢志靡他上奉耄姑下鞠孤子辛勤勞瘁皆以身當之前朝戶部張有媿美其姜之獎

房永吉永慶兄弟相繼夭吉妻蔣年二十慶妻陳年吳二十八吉兩孤慶多其一娣姒共誓蔣守至五十二歲陳今年五十一矣

孫氏楊氏吳滇之妻妾也楊生子守賦五歲而滇亡

時孫年二十九楊年二十七同心守節後孫卒楊
年至七十餘齋院屢旌之

吳氏周文進妻年十八歸文進八閱月夫亡遺孕三
月生子堯夫撫孤苦守家至貧饑寒不免毫不易
念壽六十七

吳氏季柯妻年二十七柯卒遺孤季濟始三歲甘貧
守節御史徐公請於朝歲給米帛壽至九十

魯氏王一見妻年二十六歲見逝撫幼子襁褓以及
成立貧苦不堪依兄魯瀛就養終成完節

郭氏周鳳岐妻年二十餘岐故苦節以撫諸孤備歷

艱辛垂老所戴猶初嫁時笄也有被百結終其身
不更製曰此亡人所共者壽七十九

郭氏王之漸妻心齋先生孫婦也年二十九夫之漸
溺河死緝纜自給以撫其孤有司旌廬歲給米帛

徐氏王顴副室也適顴二載年甫十八而夫沒生子
王汀僅七日苦守五十一年壽至七十

徐氏新竈王士好妻生子始歲許夫故時年二十廿
貧撫孤壽年九十臺史旌之

王氏吳秉赤妻年二十三赤早喪無子止一女殯殮
時剪其夫手足指瓜佩帶之誓不再適貧無立錫

後依養於女夫丁崇孔苦守者六十三年

周氏王宗豫妻未字時母王氏疾篤刲肱肉療之而

愈及嫁生子裁歲許夫疾復刲股進之莫能救竟

卒時年二十七矢志撫孤壽至六十四

王氏施沛妻年二十餘沛卒生一子方七日矢志守

之貧苦不怨

盧氏王之臣妻年二十餘稱未亡人苦撫二子閨範

肅然

李氏周偁妻夫歿時年二十八生子二歲撫之成立

家範嚴肅壽至八十餘

悉與士奎奎分金酌之楊辭曰若苟絲毫有愧天

地鬼神矣悉不受

吳氏王祠妻年二十七祠卒遺孤士擢才二齡苦撫

成人諸艱備歷壽至六十一官司屢旌

紀節婦人莫知其姓幼嫁紀安無子止一女未幾安

忽祝髮為僧去婦力貧苦守安竟不歸婦亦剪髮

以明志其女年長痛母無依誓不適人亦蓬垢以

養母後母年逾七旬而卒女亦終老不嫁獨紀安

不知所終

杜氏楊炯妻年二十七炯殞無子族人令之再適杜

號泣不絕聲數日後服斬衰自縊死合志再臨
吳氏玉汝存妻王生而天闔吳執婦道甚恭雖終身
無燕婉之私而夫婦之誼最篤壽八十餘猶處子
也
吳氏庠生鄒萬里妻也里同父應郡試姑偶暴疾吳
倉皇失措請醫罔效乃潛祝天割股肉和藥以進
姑一服卽起

紀氏周嘉惠妻惠初病癩屢醫弗效其時尚未舉子
氏禱於天割左股肉爲羹療之無何生子正立及
惠歿守節教正立有成官司旌表

季氏季宸之女年十六父亡勤紡績以養嫠母幼弟
里人有聘之者輒辭曰家貧母老我適人母誰養
時值窘歲自采草根充腹而以麥仁供母弟後母
喪里中無賴有侮之者乃號哭徹夜自縊死親族
哀憐鳴其事於官擒無賴正法旌其墓曰貞烈歲
與時致祭祀

王孝女百夫長王國祥女仲仁之妹也初父祥早卒
於姜堰仲仁往戍止遺女與母韓氏獨居或有聘
女者女曰父亡兄戍母女相依以爲命我去母安
與依遂紡績養母終身不字年七十餘乃卒

吳二女生員吳從周女父遭篤疾女時才十二歲乃焚香祝天許以身代剜股肉以進而瘳

楊老女素性至孝生十五歲母病危剜股得愈無何王父又病再剜股亦愈

吳允執妻張氏婚甫逾年允執任山海關遊擊暴亡張哀慟悲號志在身殉家人百方勸慰悉不聽閉戶雉經死

何氏己卯孝廉何一鬯女也適吳一洵洵歿何年十九而無子立志不再辱堅守十一年至三十歲得疾不進藥曰死吾分也無何卒

謝氏江西人黃士廉妻十八歲撫兩孤雛至昏娶抱孫年七十有四康熙七年州牧王旌以額日節凜栢舟并給帖優免以勵風俗

程聞遠及日休日孜徽人也商安豐相繼歿聞遠日休妻均出於吳日孜妻蔣氏年俱未三旬三孀同心並濟誓共撫一孤以衍程祀姊姒爲師友甘苦勞逸惟均蚤莫互相慰勉卒訓孤有成鄉鄰亟稱之

吳孝女幼孤性至孝母周氏老且病孝女不忍母無依因矢志不嫁以終養後母歿孝女號慟死母年

七十孝女年三十吳嘉紀紀之以詩孝女嘉紀六

世祖姑也

附詩雙飛畫堂燕春來又啣泥堂中紅齒衰今年復明年朝昏不暫違膝下辛苦多織作致甘肥女身日以長母身日以羸桑榆戀斜景依

依能幾時淚下未及收里姥來門櫺東家有賢郎相煩求蛾眉深閨問姥來舍皇愁生離懇懇託家

媪徐徐出謝之東家去諾諾西家又遣媒人生各有志紛紛徒去來媒灼殷勤言抵以煎人懷今年

復明年荏苒歲月祖母年既七十女亦三十餘霜風吹林木落葉辭舊枝傷哉黃髮母一女赴泉臺

骨與肉離別天傾地崩摧女也何所賴抱痛長號呼浮雲為黯淡翔鳥為徘徊月落空房冷至哀毀

形骸母女相繼逝見者靡不悲家人出卜墓塋母以女隨生死在親傷夙願已克諧迄今三百載丘

塋猶崑崑往事聞故老小子仰前徽援筆傳孝女慚非絕妙辭

王氏沈守能妻為大儒心齋先生從孫女七齡失恃

能孝養繼祖母及笄于歸八年不乳至年二十二

始連舉三男善事舅姑家務填委一切以身任絕

不分勞於娣姒又五年守能以羸疾卒王號慟絕

粒者數日將相從地下已而顧見諸孤乃易慮忍

死以撫之自是家益落王晝則操作力苦夜篝燈

紡績為諸孤學俸及紙筆費異不墜先人志事壽

至八十一其季子即今之詩人沈聃開也

吳氏歲貢傳應鸞副室也素閑貞靜年二十二矢節

撫所生孤以沒世守身以禮至老不渝

開氏崔大經妻夫故時年十九甘貧苦節志炳日星

六十三歲而歿大經父子俱以孝旌
周氏徐應捷妻十八歲孀居孤甫旬月守志五十載
壽六十六歲而終

周氏袁時憲妻今年六十四歲稱未亡人已四十五
年操守潔白志節凜然其孤請於分司旌日光延
寶婺

薛氏王嘉士妻年一十二生子自皆而娶自皆年今
六十三歲感母氏苦節孝養不衰蓋薛壽已八十
有四矣

周氏適梅一相一相下世周時年十九茹藥不辭至

七十一歲而終

周正賦妻王氏篤行嘉令女孫也父自評從幼日訓
以婦德及歸周奉父訓不違正賦逝王年廿六有
一子復天誓不背所天貧無居依弟言綸碾室以
栖身形影相弔者四十七年至七十三而卒

劉氏泰庠生王言綸繼室也未嫁時嘗割股以救其
母及歸王事孀姑吳曲盡其孝因痛父斌憲遠臣
嶺南無歸日晝夜悲泣不輟遂感疾以殞其身

吳氏魯守仕妻廿六歲而孀遺腹大贊始兩月守節
四十年壽至七十四康熙七年州牧旌額曰敬姜

遺範

吳氏女名長父嘉紳適同里魯志仁志仁居鄰紳甲辰冬紳病時女有娠四月矣步歸省中路躓而仆還墮胎越十日紳病劇俗忌產婦入人家女至門不得入哀號曰相去咫尺不得一見父面耶乃憑棺而哭見者皆墮淚歸拜禱於竈既起寘瓢左股下將以剗肉貯血也刀未發於研久之肉乃脫因糜以餉紳一哂而愈既視瓢中拭如也人皆謂神祐之其季父嘉紀有詩曰產婦不入門恨殺舊風俗淚眼空望望門檐分骨肉肉是吾親肉剗以作

羹糜女是愚婦人肅以奉神祇神降清風生糜香老親豫鈍刀全父子人來看空瓠

杜氏王三祝妻年二十六守遺腹孤嘉英撫育教誨五十年至七十七歲而歿

楊氏真州人其父宦祥符而生與江陰唐韻言爲兩姨子兩家卽襁褓中許爲婚旣于歸篤於恩義順治初韻言授經於三塘以病卒楊時年廿六有兩雛立志不再辱堅貞粹白可以泣鬼神顧家無擔石韻言兄文仙文思互爲供養以恤其孤嫠依伯氏苦守寓安豐後一孤歿存者名中立江西楊大

經以兄子妻之氏年將五十卒卽葬於安豐
杜應旌妻丁氏二十七歲守節撫孤二十二年至四
十有九

劉氏梅承正妻二十八歲夫亡而無子不忍背所天
撫二孤女五十年壽今七十九

陸氏吳自明妻自二十五歲守節至七十九家奇窮
饑寒畢世二子一女皆撫自孩赤以及婚嫁人欽
共節惜未食其報云

盧氏吳一讓妻一讓故無子盧年二十八養舅姑以
代子職經營喪葬皆竭力盡禮壽至六十二歲

吳氏周正冕妻年二十七寡閱三月始舉遺腹子日
昇家無斗升三滄皆借資於紝績晝夜不少息遂
積勞成病卧牀褥三載孀居十三年而卒其兄嘉
紀著七歌其第五作指氏也

許氏朱仙側室也姑楊病篤同仙嚙股肉以療未幾
仙病又烹臂肉和藥年二十六仙殞守至五十三
而卒

奚氏陳寰妻年二十寡遺腹子自成生始三月矢志
守之迄於成立

朱氏呂恩妻年二十四孀居無子清操畢世壽至八

十餘官司旌之曰栢舟餘範

朱氏年十九良人陳一科溺水死遺腹三月時盛夏未殮穢血噴流朱號痛悲啼啜之殆盡後產孤惟禮貧不能自給依科弟一元以度朝昏及惟禮方娶而旋夭乃偕媳金氏守節未幾金又歿復茹苦以撫孤孫陳氏三世皆賴一孀婦以存宗祀壽六十三官旌其閭

金氏孤子陳惟禮妻卽朱氏媳也年二十二夫死同姑矢志且能孝事孀姑有司特行旌表

張氏陳妻嫁一年而寡族人欲易其節斷髮毀容

終身不變其初

羅氏程尚奎妻羅璟女也夫歿無子茹藥終身而其志不移

陳氏呂照妻年二十而寡有一女而無子撫之及笄適人暮年依棲婿家苦志八十一歲乃卒

張氏楊燭側室守節撫所生孤年至六十初嫡子令甲遭誣張匍匐號訴當道情至迫切因得昭白刺史郭公之琮歎曰節婦慈母今僅見之

唐氏楊應常妻二十一歲撫孤至五十二歲未嘗馬氏十九歲夫楊應庚歿未及生子指天誓心至年

五十一歲夫...
程氏吉應麟妻富安程悌女也十七歲寡遺孤未暮
支貧死守依母家以撫子
夏氏徐語妻適語九載生子七歲語歿號哭三日夜
不絕聲自雉經於語柩傍
楊善貞江右楊希賢女也年十五字洪士達未嫁而
士達歿善貞毀容斷髮求死以相從時士達祖母
老且病往諭曰能生而養我不猶愈於徒死乎女
應曰吾志也遂偕往成服曲盡婦道後太姑以壽
終乃歸依父母自緝糶以供饘粥勒勞艱苦百折

不回分運毛公郭公徐公前後交旌之

陳氏陳一儒女爲金希范妻素賢孝姑李病危夫妻
奉侍湯藥晝夜不離卧側及疾益篤乃潛出剖左
胸肉一臠和藥進姑遂得痊

陳氏金日新妻年二十九矢志孝事翁姑姑鄒疾勢
危糜股肉服之得愈前任分司旌以額

金氏呂大魁妻魁故金年二十六事孀姑能盡孝教
幼孤以義方或憐其貧苦勸令改適者應曰但凍
餒而死從亡人地下足矣今六十七歲

曹氏金一驥妻性至孝十五時曾割股以救母疾及

歸金姑陳病勢劇又割股進姑而痊先是陳嘗兩
割股以療姑李可謂孝德世著矣

顧氏孫彥才妻二十九而孀彥才父未葬顧竭力盡
禮以襄事貧無以爲生惟賃女工以養孤子足迹
不出戶人罕見其面年六十一歲

劉氏夏瑞明妻居恆孝姑姑久病不起醫弗治劉
剗股肉一臠食之而愈

顧氏楊曉龍妻二十五歲爲未亡人茹荼撫孤禮法
自守清操凜然迄今六十八歲

唐氏仲學會妻嫁三年而夫亡舅姑憐其少欲嫁之

不從迫之則斷髮自矢時遺孤鶚薦生甫三月竟
苦節五十年而終

韓氏曹土妻土死家貧無嗣乃擇姪文彪爲繼苦節
至六十餘歲

吳氏周地妻夫亡年二十七事姑至孝撫二子艱苦
百端持節四十八年壽七十五

開氏仲學顏妻夫亡無嗣依宗人紡績爲生至七十
歲

向氏少配徐榮榮及無子並無宗族堅貞獨守冰操
聞於遠近

曹氏朱受兒妻夫亡家貧止生一子年二十三守節至五十八歲而終

孫氏張本誠妻年二十四夫故養姑撫子至六十歲歿

韓氏王可立妻二十五歲而寡守身嚴肅孝事繼姑至老不倦

王氏張應文妻年二十二婺居遺子張嘉正甫四歲苦撫孤子後王病篤嘉正乃割腓肉二片煮藥進之立愈

曹氏十八歲適仲煌煌瞽目越七載而卒生二子坡

三歲坡歲許歷盡艱瘁撫之成立守節四十餘年壽六十九

周氏練成武妻年二十九夫沒苦志撫孤訓以義方至於成立

曹氏韓妻十九稱未亡人止一女才二歲力貧守節壽至八十

苗氏苗子貴女適仲敦敦邁病謂苗曰我死汝少而無子當擇佳偶嫁之以為終身計苗泣曰果至是惟有相隨地下耳未幾敦卒苗號泣仆地幾絕者數四至夜潛出自縊於西園樹下結禱才九十四

日聞者盡悲之

曹氏名月兒少適徐時登生二女一子二十七歲時登死甘心矢節其子早夭撫二女二女又連喪乃浩然歎曰夫死而兒女皆相繼亡何用生爲痛切久之閉戶投繯死

周懺女年十六許字王興未嫁興病卒女卽自縊死鹽臺曹建坊旌表之

周氏未笄時母病女割左脇肉療之後爲郭焯妻徐德女生員徐應舉女適薛應正年十四時父病割股療之而愈

朱氏曹堂繼室前妻生一女朱撫之如已出嫁已女二人粧資皆從薄於前女獨豐堂止之曰此女無親母吾不忍效世俗繼母所爲也

林氏徐杞繼室已無子撫徐前妻二子恩勤備至不啻已出

王氏曹燠妻年二十七撫孤守節孫氏吳一清妻年二十七夫故無子堅操四十餘年

曹貞女名祥父立豹幼字同里孫繼芳未嫁而芳卒女遂矢從一之志依母兄三十餘年今年逾五十鄣郡徐麀賦詩曰已足傳千古生當五十春冠裳

誰苦節閨閣有斯人未覲夫君面終甘處女身異哉卑弱質矯矯是松筠

曹氏韓希禹妻希禹下世韓年二十五遺孤六齡卒守以有成壽至七十五

曹氏適韓日永日永幼時嘗割股救母蒙旌異永歿時曹年二十七志堅守而患無子乃立姪克巳為嗣遂凜操終身

方氏徽人也幼適同鄉鮑夢斗事孀姑王最孝夢斗客死廣陵時方年二十七三子一女皆孩幼誓不

獨生姑慰以撫孤存祀乃勉從後轉徙至南梁艱瘁備歷貧無以備甘旨衣匳盡鬻以養姑教其子親名賢為正人有剪髮銚薦之聲今三子盡矯矯

卓立仲氏耀祖與東陶吳嘉紀交善嘉紀為賦南梁鳥以贈

其一曰南梁鳥為巢樹上生爾雛樹下寡婦心愴然紡績日暮炊無烟市來餅餌那足茹食却嬌兒遺却女冰堅雪厚日難過眼前黃口何時大其二曰南梁鳥鳥老小鳥來反哺巢高翅弱飛不起南梁孝子愛煞爾山松青青谿水長母年六十身體康酒饌朝昏盈豆鮑阿母舉七淚如雨東林茶蓼西

蔗枝今日甘芳昨日苦

吳氏高議妻儀卒而貧窶不支撫育遺孤應奎教之有成官司旌門壽至八十

王氏潘宗妻年十七夫歿家無立錐依義女贅壻力

秦州志

貧以守壽至八十六
盛氏朱璣妻二十二歲矢志清貧自甘壽至八十二
官司屢旌

吳氏幼為良人妻節義凜然不得其死惜哉
據舊誌所載如

此然不書夫家姓氏不詳本婦事故遺漏耶忌諱耶莫得而知矣

張氏周鐸妻年二十七貧窶勤勞撫遺腹子士儒有成壽七十八院道交旌

任氏庠生臧勸妻事姑能孝姑患蠱疾垂死勸偶他出任禱於天剜股肉療之疾尋以瘳官司旌表

潘氏盛穀妻年二十孀居不以無子而易其節

徐氏適趙宗孔年三十宗孔亡遺孤一中才數月苦撫成立娶婦繆氏甫匝歲而一中又殤於是姑婦苦守人高其節

蔡氏周榮妻年二十三寡而無子繼姪邦達為嗣茹藥含冰清操沒世

張氏繆師和配年十九寡未有子父母翁姑皆欲其嫁婦以死自誓因繼姪為嗣堅守四十餘年足不履戶外里中羣奉為壺範

張氏適徐弘道二十四歲孀居雖育二孤貧無擔石苦志堅守卒全其節

徐氏年二十四夫繆廷桂歿無子撫姪為嗣以守壽
七十歲臺史旌之

繆氏適蔡本清年二十八生子三歲而本清亡勵志
撫孤馴至成立內外肅然

徐氏二十二歲其夫繆居讓卒生子三月家無長物
紡績腐豆以撫孤有司旌其閭壽七十六

繆氏適周濡甫十九歲稱未亡人遺孤希文生才及
兩月苦心勵節至老足不越戶外縞素終身言動

不苟其堅貞如此
繆氏蔡惟範妻十九歲孀居無子立志守節撫姪為

嗣訓課以義用勤儉致裕壽八十餘卒

何氏徐宗賜繼室夫沒時年二十五已無子撫前
四歲孤以終其身

徐氏宮好仁妻年十八而寡無子嗣姪備歷艱苦甘
之沒世

徐氏歸繆四英不二歲而寡遺孤才六月時年僅二
十甘心貧苦誓不二天堅操四十餘年

周氏鄧詔妻二十一歲苦節撫其二子壽至六十一
歲

周氏王澤妻夫亡時年二十四苦節四十餘年孤賴

以立... 孫氏十九歲夫張木身故遺腹子數月撫之成人壽
六十五歲

繆氏年二十其夫徐侃故家甚貧傭紡績以撫遺孤
壽至六十

繆氏夫徐仲亡時年二十四力貧撫孤宗鳳後繆病
宗鳳嘗割股以救母

陳氏繆好文妻素性賢孝好文嘗遠出姑蔡氏疾篤
繆悲泣號天引刀割股肉作羹奉姑食之而愈

蔡氏戴熙妻孝事舅姑時熙以事出姑病篤蔡驚愕

悲號密封股肉以進姑嘗之曰是何藥適飲此便
覺氣爽從此遂愈壽至八十餘

繆氏徐世隆妻姑蔡氏嘗病危繆剗股肉一瓣作羹
以進姑病得愈

邵氏周松繼室前妻繆氏生三子邵復生四子撫愛
不分彼此其後子孫遠前夫妻母子毫無間言

繆氏繆時熙女徐起元妻也未嫁時父有疾女哀禱
百端潛入內室割股肉一瓣進父父病尋愈後事

舅姑稱能孝可謂出於天性

張氏左丞張麒孫女也麒子禮明國初從征安南有

功授廣西衛鎮撫禮子福赴京承襲道病卒於淮
其妻亦故遺孤張輝才六歲福妹時年十五耳隣
兄嫂偕亡誓撫孤姪以延宗嗣終身不適人事聞
朝廷為建祠祀之

陳氏王天文妻夫亡氏年十八子三月守節四十年

談氏陳聖徵祖母年十七夫亡守節三十年

黃氏陳雲翼母夫亡矢節

繆氏蔡介繼室也佈亡撫前妻遺孤無異已出守節

五十餘年以義方教子諸孫滿前莫不以為節義

慈愛之報

劉永光繼配李氏及庶黃氏同心矢志李年二十七

黃年二十二撫育遺孤苦節五十年

楊代妻許氏廿二歲娶居教育遺孤嗣孝有義方今

年五十一

劉永泰妻許氏素嫻閨訓婦德為里中模範廿三歲

夫故時孤奎聲甫二齡閱數月復舉遺腹孤韻聲

自矢從一貧苦不改其操堅節五十餘年至七十

歲而歿

繆氏張鶴妻適鶴逾年甫十九而寡茹苦撫孤歷五

十載壽七十卒

徐氏蔡本立妻年二十四本立故止一女乃取宗人子爲嗣苦節自守卒正同穴之義
繆氏蔡儀妻年二十儀殞而無子繆將以死殉翁姑諭之繼嗣以衍後乃立嫡姪本盛爲嗣勤儉操作卒至溫裕壽至七十二
徐氏年二十一良人繆好忠歿遺孤師昌襁褓申姑趙羸病侍奉湯藥不少怠事太姑陳愛敬惟謹訓師昌一稟義方國子司業傅新德旌曰節婦慈母萬氏本鮑氏女育於萬爲繆達妾旣寡宗黨爲其少而貧且卑勸其易志萬泣曰妾雖少賤念主亡乏

嗣而嫡徐又窮且病妾去當誰與存者不然者已早從亡人地下矣衆憫而聽之自是事嫡如母腐豆紡績供朝夕後壽至八十餘宗族哀其志而遞供以贍之

楊氏于鑒妻年二十四鑒亡苦節堅守壽至八十四而終

于氏季昕妻年二十六夫故子幼乃耕基地三畝以自給菜羹麥飯僅充饑餒而清操勁節凜若冰霜焉

叢氏蔡經後妻也歸經七年而寡時二十六歲父母

勸其改適辭以寧死不為禽獸行况蔡先有子焉
忍棄之乎於是力貧以守雖門戶衰薄苦撫前子
目見其成年七十三卒
徐氏于駢繼室也年二十七夫故撫前妻遺孤森以
守無何森又沒媳孫氏年二十六姑媳相依矢不
二天人稱雙節云
繆氏適徐銀年二十六而寡遺孤三月家徒壁立父
母將嫁之則抱孤號哭於墓所三日不食期於必
殉聞者哀感相勸歸里人爭養之時稱百家母生
平不妄言笑教子以嚴壽至六十

方氏繆日進繼室父為郡庠生方炳許字日進未嫁
而繆暝女聞訃即不食恐父不諒已將投繯父慰
曰任行汝志不强也何至是女乃過繆氏服喪成
禮誓不歸後竟卒於繆
繆氏適沈應旌同牢三載生子士道甫七月應旌辭
世繆年廿四耳誓撫幼子以報沈奉舅姑勤家務
極勞動不辭分運採風旌以榷行年七十五而殞
計孀居四十餘年

繆好曾妻蔡氏師周之母也二十歲而孀家甚貧以
從一自矢謝鉛華屏膏沐或勸其易節為斷髮以

明志茹苦力貧日教子課孫後家漸溫裕而刻苦
不少懈齋素五十年壽終八十五

于氏性端淑舉止恭慎雖燕居言笑不妄發歸徐瑞
甫夫婦相敬如嚴賓事翁嫜能孝年二十二夫卽
世有二女而未舉子貧窶無倚賴家人欲奪其志
則號哭不欲生又自斷其髮始獲免飲冰藥三十
年今年五十三操至老而彌堅云

范氏名家女年十七字國學生繆時良時良卒南雍
櫬回范求死同穴已而自思幸有娠三月盍少忍
以延繆祀乎及免果得男卽今名日華者也撫

教誨卒振起宗緒壽逾七旬歿分運公獎之

錢氏庠生繆紹且妻事翁姑滫瀡畢具朝夕奉養必
謹紹且每夜讀錢必篝燈緝績以佐之晝日相敬
無嬉容媒語二十九歲爲未亡人束身嚴整舉動
一準於禮法專心課子不務姑息秉節四十餘年
壽終七十有四

任氏適繆四瀆三相長子也四瀆早夭一志不變諸
娣姒盡饒樂美服飾任荆布與居無忤容無羨意
蚤夜縫紉緝績以課子讀子五玉竟得補郡庠任
喜曰汝能立吾今始無憂矣處空幃二十九年今

年五十一

沈氏繆好直繼室好直先娶顧遺子師旦沈撫教與所生師旦... 庭闈之內愉愉懌懌且忘其為繼母商忘其為... 遺孤臨終猶曰子商以善視云

周氏 誥封宣武將軍繆夢熊配 贈恭人乙未武進士河西務守備繆祚母也溫思淑慎拮据以理家務身先婢僕親鄰族黨以窘乏來告者隨厚薄率有助未嘗使缺望里中稱為賢母鄰婦有產女而殞者為攜歸鞠養長且粧貲擇嫁之至今猶嘖嘖

嘖人口

徐氏繆懷沙妻賦性柔順而持身以禮聞範著於鄉閭沙蚤逝時年十八遺孤子舜生始五十日宗祀不絕如綫辛勤備歷卒全 祚壽至七十三歲

徐氏繆蒙詔妻奉尊璋相夫 告足為閭內式里人同聲稱之曰賢年二十二孀居束身有禮舉止無愆於儀嚴於課子每事教以端方分司張旌之

袁氏錢載妻年未三十而寡 日諸孤令不墮先人之業一切艱瘁無不備嘗

袁氏吉應和妻年二十七夫亡堅貞自守貧窶異常

時其父病狂伴之者恆被齧傷惟氏侍湯藥則怡然相安人以爲節孝所感

陳氏吉華妻年十八華病故生子才數月志撫遺孤壽八十三而卒

王氏吉源妻十九歲寡遺孤方朞歲力貧守節時年大潦忽一日溺於水里人奔救輒故汨愈深及引以板木乃憑之而浮蓋不欲令人手援也上司屢旌表

馬氏顧應鳳妻廿齡夫歿誓以身殉家人守之不得間久而少懈忽自經於夫柩前遂與之同穴

朱氏適李應麒數載年二十餘麒以廢疾死晝夜號泣水漿不入口未幾投繯死

宗氏女小海宗部女幼年許字陳必堯明嘉靖三十年倭寇掠鹽場必堯走死女時年十七誓不再適斷髮毀容往陳門成服執婦道以事舅姑繼姪陳弘毅爲嗣壽至七十八官司請於朝建祠興化有司歲祭仍建坊旌表卽以嗣子弘毅守祀事

袁氏女袁應芳女宗烈女甥也幼字儒士陳一猷一猷年十八而夭女與同年生誓不二天謝鉛華衣布素家人有勸之嫁者輒以死拒之久之聞有委

禽者卽吞金求死又自經家人畏而止嘗冬月圍
爐或有言及婚事者女卽投火中頭面俱焦灼自
是無敢復言者至年二十八忽病父求醫女曰今
得死所矣不然父母之累未已也遂不藥而死兩
家議合葬未果時一猷塚有瓜大可二尺圍長尺
許一蒂兩瓜而實連理衆見之採歸曰此女貞心
所凝結而成者也遂決意與合窆一時爭觀並蒂
瓜者以千計無不悲歎相傳里中有瑞瓜圖并題
詠文多不載

陳氏朱應旂妻十八矢志甘貧苦節壽八十三

氏周祚妻十九歲祚沒堅操沒世年逾八旬鄉人

稱二節

朱氏吳邦盛妻年十八稱未亡人遺孕甫四月將以
身殉衆諭曰汝死奈腹中所遺何乃稍緩無何生
一子遂力貧守子壽七十九

秦氏爲吳位側室年二十九位卒嫡子欲嫁之秦以
死自誓妻苦百端紡績自給撫其所生之二子年
七十乃卒

陳氏居伯子妻年十八伯亡孤炳才一歲食貧苦守
與娣氏相勉以其濟年七十而終

冑氏居仲子妻年二十六仲逝子甫八歲與伯子妻

刺陳氏同心秉節年六十餘

袁氏庠生唐治妻袁潤女年十七治夭毀貌瘁形時

遺腹方數月後生子應元訓課嚴勤有聲庠序壽

八十餘官司屢旌

夏氏單可教妻二十三歲撫孤官司旌之

馮氏呂才妻夫故時年二十五家無擔石甘貧苦守

官司屢旌其門

錢氏唐應元側室年二十三寡未生子女時嫡已歿

撫其所生諸子及孫慈愛篤摯終身無間壽八十

七

陳氏朱文鳳妻夫故時年十九有遺腹三月翁姑憐

其幼勸令改適堅不從寧甘貧守孤官司旌表歲

給米帛至七十餘始卒其子啟明娶妻二載妻歿

遂不更續母病剜股節義慈孝萃於一門云

朱氏宗柱妻年二十一夫故遺一子甫三歲後又舉

一遺腹氏堅志死守孝養舅姑卒葬以禮壽八十

一

顧氏單一鶴妻年二十七守節撫孤壽六十七

劉氏夏之象妻年二十二孀居教遺孤茂蓮為名諸

生壽至八十九

宗孝女父允恭得異疾醫莫能識經年餘將不起女

時年十三夜禱於天剗股肉一臠烹以進父立愈

後延廿五年壽七十五而終

宗氏女允恭孫女

正心繼母許病篤女剗股療

愈而不自明後二載父母見瘡痕詰得故而隱痛

焉

以上承入十場志以下新增

補列女節孝傳

宋李氏廣陵人逸其夫姓嫁期年喪舅姑相夫葬祭

盡禮夫以買販為業晨出暮歸李必告以毋求不

義之財夫感其言人以為長者淳化中夫亡服滿

其家欲嫁之李礪刀截髮乃止

明劉氏韓鵠妻鵠死無子遺言父宣納妾生子輪未

幾宣與妾皆死氏守節奉姑誓自鞠輪時年二十

未有出試乳即得乳輪長稟嫂訓如母姑既以色

養終為輪成室生五子氏年八十四

盧氏徐寃妻早寡撫教孤耀官都御史得旌如例

賈氏吳其仁妻幼孝父母父病籲天割股得愈年十八歸吳事舅姑尤盡禮生一子三歲寇至謂夫曰宗祧爲重君當携子速逃我暫歸家夫未行卽閉戶自縊死至今鄉人猶稱吳烈家
俞氏新安人吳二妻僑居泰州歲暮迫於連鳩死俞治喪具畢舉餘鳩一飲而盡隣人欲以藥解之俞拒曰吾夫已行我當同往也

李氏孫世華妻華死李年廿二或勸他適破面示無志姑病割股救之年七十五臨歿出所藏破面割股血衣以示子孫旣瞑遠近皆有異香云

顧氏王日昇妻王愚駮娶甫月餘嬰奇疾歿顧猶處子也貧無所依乃還母家日侍母側母病篤割股進之愈節孝並著有司屢旌其門

夏氏張裔仁妻崇正六年夫亡氏年廿八食貧撫孤備嘗艱苦閱二十七年

薛氏張裔緯妻年廿五值兵亂被掠不從殺氏八歲女貫槩以恐之氏遽投河死

呈清工氏州庠生田大有妻性賢孝年未三十而寡撫兩子成立訓以義方長士龍後舉鄉飲大賓苦節六十餘年壽九十七順治十三年奉

建坊于溱潼鎮湖北莊孫毓英候補州同

孫氏庠生沈元美妻夫亡氏年廿三子喬生甫二歲

女週苦節奉翁姑教子女禦強暴喬生膺選拔仕

至肅州副使道氏五十九歲卒康熙十九年

題達奉

建坊 詳載前宮志

蔡氏名蕙父貢生孕琦性侃直不阿此人遂以仇陷

幾罹大法蕙痛父未嗣無辨其枉者日夕禱天誓

與父為生死卧苦由者四年恭遇

祖南巡上書道傍

請 題建坊 春秋祭祀

池氏吳瀕妻年廿四夫亡繼姪邦楫敬事衰翁及繼

姑五歲連凶氏紡績針工不缺肥甘老而貧乏衣

食不完未嘗怨及嗣子從姪邦柱于雍正四年請

詳具 題建坊 春秋祭祀

周氏徐篤生妻徐以嗜學致疾卒氏年二十六無子

矢志奉翁姑與夫堂兄鳳生婦張氏約曰異日生

男必嗣我夫張應曰倘更有子誓不違此言越五

年張果產男立為嗣撫幼事衰竭誠盡瘁翁姑歿

後喪葬如禮子長名漢感母五年前之誓輒痛切

不禁孝養亦盡力及氏卒逢恩例請旌奉

旨建坊春秋祭祀

韓氏張子熾妻順治乙酉三月鎮亂婦時在母家爲
卒所逼投廁死藁葬鎮之東原子圯授有詩名
翟氏施宗周妻庠生震鐸祖母夫沒食貧矢志撫十
歲孤一儒成立閱四十八載後一儒以孝舉于鄉
氏孫嘉祉婦徐氏不以夫啞失敬慎禮夫亡矢節
三十五年兩節媲美輝映後先云
苗氏仲敦妻敦邁疾謂苗曰我死汝少無子當爲終
身計苗泣曰果若是惟相隨地下耳敦卒縊於西

園樹下結縊九十四日聞者悲之

吳氏桑暘谷妻桑死氏年廿六事孀姑盡孝順治三
年寇亂子九級適他出倉卒聞變偕婦李氏抱幼
孫匿草間賊搜得之強與俱行以刃加其頸吳厲
聲罵賊賊怒殺之李見姑死大哭罵賊母子俱被
害

黃氏太學生朱象乾妻夫卒氏年廿五守節教子長
璣次璣次璐皆庠生苦節四十九年長璣娶亦黃
氏名孟淑璣天淑年十八遺腹三月誓得男則生
果得男名絃苦節三十六年絃娶亦黃氏名德懿

絃又逝懿年廿六遺三子矢操勿懈長子開一郡
增生次曾祚邑庠生次子一太學生孫頤年等皆
有聲庠序氏苦節五十年前牧郭獎曰一門三節
蔣氏朱南溪妻夫卒氏年二十無子家資分散苦節
五十年族人即舊地為祠

孫氏袁天樞妻夫卒氏年廿三撫三歲子麟趾敬事
邁姑養葬如禮閱數十年艱苦備嘗壽八十三曾
孫發桂有聲州庠

甘氏父名君聘許字冷子未嫁而冷天氏閉戶以棉
塞口自經死州牧段親設祭拜之獎以額并詩

見卷
交

李氏國學生宮景耀之妻也性端嚴嫻內則鄉里肅

聞範耀逝氏年廿九撫獨子繼芳冰霜矢志艱苦
倍嘗以母代師講論弗輟時訓其子曰爾父忠厚
承先家傳孝弟貽謀不墜望汝成人汝一身繫宗
祧絕續之重尚振拔毋自棄由是繼芳恪遵母訓
勤誦讀勵端方不昧蕭氏之遺金普造濟人之茶
舍賢母令子遠近稱之後宮氏日見昌榮歷傳孝
節皆氏義方啟後五十一年苦節丸熊之報也壽
至八十有二

常氏禮部儒士宮繼芳妻芳子立父亡母孀氏奉孀

姑李氏晨昏盡孝姑減食則坐卧不安偶病則齋
天致禱相夫治內克敬克勤年二十六卽奪所天
氏痛不欲生願隨地下姑泣諭曰捐生易接嗣難
爾身孕四月儻天眷宮氏得延一綫不第吾衰有
寄實祖宗禋祀存亾之大機也氏泣遵姑命封髮
茹荼衣縞卧薪六閱月生子偉銓兩代孤孀相依
爲命撫銓成立苦節三十五年壽至六旬後銓舉
三子皆科甲誥贈中憲大夫

郝氏誥贈中憲大夫宮偉銓妻賢孝性成敬事兩代
孀姑奉晨昏繼甘旨疾則湯藥親嘗憂則笑言仰

慰嘗言於夫曰祖姑旣邁姑亦晚年峻節水操後
先相映况祖功宗德積累彌君復仰前型惜遺
字養志承歡虛公樂善後嗣其昌乎銓立志砥行
內助之賢與有裨焉祖姑李氏疾氏割股以進沉
疴立起延十有四年姑常氏病疫焚香號泣復割
股進廻生三年有奇夫病劇泣血告天願以身代
更向癡痕交錯處肉隨刀落骨現筋崩幾絕復甦
仍親調奉夫回生六載宮氏孝節自李氏開其始
常氏繼其後郝氏又行人之所不能行長子夢樹
擢癸巳

恩科仲子夢元成己丑進士季子夢熊午未聯捷選侍
衛歷試詩文稱

上旨康熙五十年奉

特恩改授刑部郎中

欽賜御書詩筵龍袍御章歸奉慈帷氏載拜日不次之

擢兒輩當潔已奉公上報

聖天子破格特簡之殊恩也

誥封太恭人壽七十

九

李氏州同知李植女生而端肅性至孝寡言辭嘗侍
父側聽講內則諸篇輒凜然無倦容長適沈允宜

孝翁姑嚴內外及允宜早逝氏年二十二剪髮勵
節翁病劇氏告天割股延翁壽至七十有四苦志
撫孤子世琇閱三十年

謝氏江都庠生謝子恭女性端純明大義事親尤孝
適陳慶祚敬孝翁姑相夫成業凡御衆理物一秉
禮法夫没氏年二十九苦節盡孝俾八旬孀姑甘
旨不缺操機課讀教子兆封兆元讀書成人閱三
十年

李氏李明寰女性端嚴孝二親族人賢之長適王允
修生子廷策修逝氏年二十九泣血撫孤以針工

給膏火有孫宏勳襁褓中子又逝氏痛夫悼子偕孀媳莊氏節勵冰霜撫孫宏勳成立今壽八十有四

周氏江都縣貢生周開先女善事父母親族稱之長適州人童青掄孝奉翁姑相夫成業掄逝氏年廿四苦節撫孤子長裕今三十八年子成立有文譽女亦賢淑諸孫林立

陳氏許效倫妻二十三歲而寡苦志守節今歷年五十五歲撫子宗萇候補州佐宗莪候補訓導四月孤宗萊亦成立

徐氏吳沂妻夫亡氏年廿四嗣姪邦桐翁姑年六十餘矢節養志俱享年八十二喪葬如禮凡遇橫逆逼嫁者氏視之澹然惟潛依孀姆沈處今踰五十守節三十載

袁氏州廩生文名世繼室未育文歿時年廿一柏舟自誓苦節五十餘年不輕言笑撫前妻江氏二子治藻如親生茹荼訓課皆入庠序里人欽其賢節褚氏儒士蘭谷女易維精妻夫亡氏年十九遺孤念純家徒四壁氏截髮毀容紡績自給足不踰閩者六十餘載賢節之稱播於州序

錢氏王世爵妻夫亡氏年十九無出誓節不易水操
凜然今三十八年嗣叔世達子家相入太學
劉氏庠生吳邦柱妻感姑沈氏苦節孝敬逾常人姑
有弟繫念劉曲意周全之小姑適卞步武中道喪
姑隱爲外孫及外孫女憂劉請于祖翁迎歸恩撫
之姑心由是泰然後齒落更生姑疾不離側者四
年每禱神求以身代姑卒哀勞成疾終年五十二
氏女名三從亦能孝于父母因母疾禱神齋素三
年茹蔬食苦里人並稱其孝
王氏父晉原教以禮義氏事親極孝因未有弟持齋

祈佛冀延父後適儒童徐沂沂無父母氏親操井
日勤苦備嘗生一女一男男名俊模甫六月沂卒
氏誓死撫孤教養多方荒產賦重氏針績完公冬
月手指血裂見者哀之今子已就傅能文矣

朱氏王三仕側室仕公正明毅壽逾八袞子姓繁多
氏生幼子相茂二歲仕卒氏甫二十六歲守節撫
孤仕之嫡子潤公卒妻周氏亦守節撫四子成立
今並以全節終子皆繼志前任州牧俱經旌獎
錢氏田清之妻夫卒氏年廿九育子事孀姑茹荼勵
節今幾四十年子福衍等能竭力養母

劉氏王宗汭妻事翁姑孝敬相夫成家夫卒撫兩孤
曲盡教養禮法自守勤儉有常子桓有聲庠序

阮氏劉濤妻年二十九夫亡守志備歷艱辛子潢遠
出繼氏教以成人卒年八十閭里敬之

袁女王覺山聘爲繼室未嫁覺山卒女請於父兄親
詣夫柩前哭奠遂編素居夫家奉翁姑之殯極盡

孝敬撫前室兒女如已生教養曲至未幾以疾終
殯於翁姑之側見者皆揮淚云

張氏貢生命之驟子煥妻相夫莊順善事翁姑夫疾
剜膚以療夫卒撫二幼女伶仃飲泣孝翁姑甚於

夫存養殯悉中禮今二女婚嫁矢節二十餘年

朱氏梅塋村王天閑妻年十八嫁天閑生一子甫週

天閑卒氏守志孝翁姑和妯娌遣子就傅企其成
立歷年四十以疾終

吳氏庠生曹亨妻亨積學能文氏相夫孝敬生子竑
綱子幼夫卒氏年廿七守志不渝教子讀父書弱

冠遊膠庠食餼有文名早年又沒氏與寡媳同守
備諸苦况卒年七十有九

陳氏廩生曹竑綱妻氏家本海陵大族于歸後能執
婦道勉夫進業竑綱屢試前茅青年早世無子繼

姪爲嗣氏茹苦守志撫嗣子動循禮法承先啟後
事事勞心閨門之中整齊嚴肅嗣子又沒氏矜孀
孤立奉事孀姑生養死葬悉中禮今年七十有五
李氏張斯業妻夫死子符廷等皆不能自立氏賃舂
以活沒齒無怨苦節二十八年廷又早亡婦韓氏
亦守節撫孤

紀氏王晉錫妻夫死于嶺南氏迎喪歸葬撫六歲幼
子宗濬飢寒備歷誓不二志苦守三十六年年六
十四

沈氏王孫驥妻年廿四守子家爵至五十六歲卒

陳氏金日新妻夫故氏年廿三嗣姪矢節

翁姑

曾兩刲股年八十三姪婦王氏亦於二十歲守節
撫孤綠萼入泮歷三十二載二氏奉前督憲邵飭
令建祠

文氏陳欽若妻秉性正淑嫁六年而孀事翁姑養葬
如禮撫子願年成立守節三十八載前牧魏獎曰
巾幗完人願年入太學

秦氏土金鑑妻夫歿氏年廿八矢節撫孤子沼成立
入國學鄉里公請前牧魏獎曰節孝可風學憲鄭
獎曰巾幗鬚眉

范氏鮑忠國妻夫亡氏年廿五遺腹三月矢志不貳
孝奉垂白翁姑生子魯撫之成立教以義方翁姑
沒喪葬盡禮歷苦節四十二年前牧魏額曰冰節
流芳

劉氏王裕忠妻夫沒氏年廿九矢志撫數月孤子孝
七旬翁姑值歲飢遍歷艱辛翁姑歿喪祭如禮子
長教以義方入成均矢節三十四年

徐氏張起鳳母夫亡氏年廿六撫數月孤鳳矢節不
貳教鳳入州泮歷今三十五年學憲鄭獎曰節操
莊嚴

張氏庠生朱士豹妻夫亡氏年甫十九誓死不貳孝
事孀姑撫姪樞爲嗣教以成立入太學考授州同
知勵節四十年督學魏獎曰節孝可風

袁氏庠生袁仕續之女適太學生宮世洪夫卒氏年
廿五誓守苦節毀容茹荼撫姪懋道爲嗣教以文
行俾得承其家學矢志四十三年卒

劉氏沈氏前金吾黃位中二側室僑居金陵以詩文
交海內名士後遊淮陰遂卒皆劉年廿二沈年廿
五截髮投棺內其誓苦節劉子九清太學生亦早
有名譽沈子右序浙江黃巖縣縣丞居官勤慎爲

上憲所重閱十九年劉沒沈獨守訓子兼訓劉子
壽八十三九清養沈愛弟里人欽之中年疾篤子
顥年十八呼天請代日夜勤侍憂痛哭泣致疾父
存子死清每言及輒慟哭不止儒學訓導曹濬爲
顥作傳
繆氏金子雲妻性貞淑事舅姑以孝夫沒遺孤承家
甫十歲苦節教子竭盡心力閱廿餘年子成立名
重成均學憲鄭褒曰節凜冰霜

楊氏庠生劉一澎妻夫沒氏年甫十九事八旬姑喪
葬盡禮訓七歲孤青照讀書繼父志名著邵庠

陳氏高志韶母夫沒氏年廿八矢志冰霜養姑盡孝
教子有方孀居五十四年壽登八十有三州牧屢
獎以額

沈氏拔貢生陸眉妻眉早逝翁之績亦旋故氏凜節
持家上事八旬太翁下撫週歲弱子茹檠殮茶閱
三十餘載子獲成立入太學各上憲俱有額言郡
守左獎曰節勁柏筠前牧柯獎曰清操如玉

吳氏儒童王德卿妻夫亡氏年廿三孕甫數月氏矢
志不貳孝奉舅姑生子秉衡養教兼至翁姑沒殯
葬如禮子獲成立孫入成均孫復生孫一堂五世

苦節之報宜也

喬氏何起虹妻夫亡氏年廿四翁年七十子爾壽甫
三歲上事下育生養死葬竭力經營子獲成立入
太學守節六十餘年壽八十三歲

王氏劉允壯妻翁病刲股和藥獲愈前牧施獎曰孝
本天性允壯早沒矢節不貳撫子文進成立

陳氏太學高日起妾偕嫡劉氏孝事翁姑起病篤陳
刲股和藥與劉並持長齋起沒劉年三十六陳年
廿四相依守志劉子琰弱冠食餼優文行又早逝
劉亦沒陳撫孤女依琰妻唐氏苦節五十四年唐

事如嫡姑陳壽七十八里中稱一門三節

唐氏明經高琰妻事太翁姑暨孀姑劉氏盡婦職劉
病侍藥衣不解帶輒數月劉病篤禮斗求代琰早
逝唐年三十遺二孤甫數齡隣火及樓壁已赤氏
泣守夫靈竟獲免訓子以義子簪纓繩武俱登仕
籍孫鳳翥等亦遊庠凡事子若孫必請命至今守
節四十年

錢氏王柳州妻夫早逝氏矢節撫孤養殯翁姑如禮
子獲成立鄉人稱之

張氏王琬王之妻夫早沒撫二子長六歲次二歲苦

志教之成立州牧魏獎曰壹教可宗

李氏易采母夫卒氏年廿四撫采及弟桐矢節訓課

皆遊庠闕五十九年前州牧武獎曰節並松筠

戈氏陳省吾妻陳沒氏年廿五誓撫兩孤守節不貳

省吾以族姪繼嗣家道稍洽忌之者衆幸其死兼

欲中傷其妻子氏悉力拒之雖百計不搖而茹荼

集蓼其窘已甚長子璧田次子廷璧璧田娶婦周

氏璧田又卒周年十九遺孕生男曰蔭復天周隨

姑守節姑疾刲股以療獲愈戈壽六十六周壽六

十二姑婦雙節里人欽之

紀氏貢生陳志敏妻敏父潛心理學家教嚴肅氏孝

敬素著敏沒氏年廿三無子矢勵苦志備嘗艱阨

閱三十二年前州牧施守揚日獎曰節孝流徽沒

七年嫡姪庠生繼繼嗣里人舉其事學勘云早喪

所天青年勵柏舟之節生逢多難皓首完清白之

操待孤嗣而授陳編一線書香不絕對孤燈而泣

遺照百年大節無虧

朱氏金麗水妻夫死氏年廿一孝事翁姑養殯如禮

子獲成立娶婦顧氏子復天遺孫長保漁樵爲業

養殮不繼窮苦七十載無怨言

陳氏太學生芄女州同顏巳生妻夫卒氏年廿三遺
二子襁褓時家中落翁爾萬老疾氏典質曲供甘
旨沒亦盡禮有二叔不與較足不踰閩茹荼訓子
今年七十一子鎔次錦感母孝節亦克順顏色焉
張氏貢生朱紹齡妻齡早失怙兄弟四人十數年間
殫折者三獨齡夫婦養母未幾齡亦逝氏奉失意
之孀姑撫藐孤之宗子矢節四十年姑繆年登八
十有九子相玉年幾四十策名銓曹皆上事下育
之力焉

徐淑姜庠生穎銳第六女年十五父病割股以療卽

愈母黃氏割股四次每割一次母愈月餘後夢神
諭曰爾母之壽已終因爾心誠多過半載後割無
益及後再割刀果墜下母竟終里人爭爲五割詩
詩歌以美之

譚氏翁御六妻生而明敏熟內則諸書嫁數年夫以
客死遺子女各一氏年甫廿六甘貧苦節以十指
措薪米值年飢斗米三百餘錢或竟日飢有強委
禽者氏剪髮者三刎頸者再夢至城隍廟見三井
一極清一稍濁一最濁益堅其志子良駟能孝養
女嫁頗脩婦道年六十二卒

劉氏唐日燦妻氏篤孝舅姑夫婦相敬如賓燦卒氏年廿一子恕七齡次懋方孕氏矢志撫孤家苦貧舅姑耄鬻針工以養姑疾氏剖股和藥卒不起號呼痛絕兩目頓瞽州人傳其事咸哀之二子長氏教以詩書恕食餼于庠有文譽

仲氏孫鴻書妻夫亡氏年廿二遺子二長洙三齡次泗三月氏立志撫孤念夫苦志未遇不忍書香中斷命二子肄業督課嚴切兩子應試工文今苦志三十五年

陸氏儒童陳祐妻事舅姑孝夫以力學致疾剖股弗

效生子時夏五旬而夫歿舅姑復老病時氏年十一矢志撫孤三年內舅姑繼歿殯葬如禮有計危孤子者悉力禦之前收施憫其節給以示言獎以額曰純節可風歷五十年

陳氏庠生黃德溢妻夫亡氏年廿九苦節奉翁姑撫二子竭力以濟貞淑著聞長子國粹列膠庠諸孫羅立壽八十五

仲氏戴國士妻夫亡氏年廿七矢志守節撫三子賃春織衽以活茹苦者四十六年爲子娶婦生子壽七十二前收柯旌其門曰節孝流徽子露後太學

孫上德州增生

繆氏袁雲翽妻仁所女夙承家訓夫病氏割股療之

後半年亦歿時氏子璐三歲有庶叔尤少氏均乳

之不私已子皆成立後氏壽至九十

今庠生瀾廉黃皆其孫也

凌氏夏霖雨妻里稱節孝

王氏徐炫妻炫卒氏年廿一遺孤子家正家祥有利

其資而欲嫁之者斷指不貳常携利刃於袖聞者

不敢犯五十一歲卒家祥子四今諸生朝鑣朝鏘

乃其長子驂之後也

吳氏張舟妻薇音吳應裕女姑沒翁存遺兩幼叔待

如親弟生子應宿父幕河南載餘小叔亡翁悲成

疾醫藥不起拮据殯殮夫歸又亡氏時年廿四或

諷易節泣曰夫遺孤男一門絕續係焉忍萌他志

惟願終身無疾紡績撫孤足矣子長率葬二棺娶

婦汪氏生兩孫今年七十二每日吾苦辛四十八

年幸獲強健子復順意蒼天不負生平之願也里

黨皆欽之

魏氏徐九章妻姑病劇夫破脅割肺以救獲愈不能

食氏斷七月嬰乳以乳始得享餘年孫亦成人

李氏徐尚俊妻幼以孝稱夫亡年二十五守節不貳

學憲鄭獎曰松正雲質于雍正三年領黃絹享年八十有二卒子四人

王氏徐銘側室銘四十無子嫡丁氏盡脫簪珥潛納

王氏銘四十八始生子名朗子生丁卽撫鞠爲已

子里人稱其賢丁氏與夫先後卒王氏年廿五矢

志不貳觀朗成立至年六十卒曰吾志幸四十八

張氏文學潘弘謨妻孝廉洙妹夫死氏年廿七撫數

月孤光第孝事孀姑姑疾坐卧床側衣不解帶姑

年登八旬皆氏色養之力教子詩書今守志三十

八年

楊氏張氏郭氏周氏皆兵巡道崔之四妾四官滇南

眷屬家居及卒於官署四氏年二十餘仇族逼節

遂薙髮焚修卽所居爲淨室康熙己酉夏州牧張

過其地爲命名曰西蓮菴且旌以額曰苦節同正

周先卒三氏卒時皆入九十歲里人謂四在滇曾

查還行營擄婦萬餘人宜其雖小星亦知守義云

陳氏 贈奉直大夫忠純女幼事父母以純孝稱嫻

內儀長適儒童徐學曾卽中丞耀之曾孫也孝翁

姑相夫子夫沒氏年廿九家窘甚孤弘祖襁褓或

諷易節氏封髮誓志撫子以十指給膏火艱苦倍

嘗閱四十年子成立有名譽

卞氏宋忠臣壺後國學張雅道妻孝敬翁姑祖翁伯

鯨乙酉年以兵部侍郎捐軀殉節雅道驚哀致疾

閱五載而歿氏年廿七撫三歲子樹芳苦節五十

三年教子成名壽七十九

徐氏附監生蔡尉繼妻進士我達女歸蔡撫前子哀

如已出夫卒氏年廿八子衷甫十有七日鞠育雛

孤飲水茹蘖前子又卒撫兩世孤兒持苦節四十

餘年壽七十一

鄭氏王宗華妻年廿一夫亡撫子慶高守節至今二

十三年

賈氏賈國江女幼孝父母嫻內則尤好讀班曹閭範

諸書親族交口稱賢長適行人副司劉業孝奉翁

姑敬相夫子夫歿氏年廿九苦節撫孤子植基在

基針工夜課封髮茹荼閱三十餘年兩子業儒有

文譽

汪氏洪飛龍妻夫沒氏年廿四一子襁褓矢志不貳

家徒壁立艱苦備常采蕨灌園以給義方誨孤有

成授室生孫子復死氏苦節四十餘載前牧魏獎

曰勁節可風

尤氏王裕還妻夫故氏年廿五遺孕六月家貧姑邁
婉子德慶矢志不移養姑撫子叠遭水患艱苦倍
嘗今閱三十一年

朱氏太學生卞玉質妻夫亡氏年廿五子菊友甫週
矢志事翁姑撫孤子艱辛萬狀及子婚娶生孫慶
山方六歲子又亡氏復與子側室高氏甘貧茹苦
共撫孤守節至四十餘年學憲張州牧武皆褒以
額年六十五卒孫亦成立

朱氏名蘭太學生朱人最女年十九姿稟純孝父病
割股以救剝鉅及父痊而女病遂卒里人悲之

八胡日元妻性端莊勤婦元卒氏年廿九遺子
五人俱在襁褓氏守貧無餐晝夜紡績以女工
食手指皆裂茹荼勵節苦志撫孤幾三十年子
兆鯤等亦能竭力返哺克守安定家法云

潘氏沈秀羣妻庠生潘度女適沈家無一石蚤夜操
作孝奉舅姑夫亡撫孤守節冰霜姑疾割股日愈
里人皆稱節孝長子峒次子嶸亦成立

儲氏庠生江英妻夫故氏年廿九遺子玉鑑等三人
皆襁褓翁姑老邁家極貧窘矢志撫幼事衰皆賴
女紅翁姑歿殮葬如禮教子成立今守節廿七年

秦氏陳懋修妻孝翁姑和妯娌相夫以敬女淑姑割股救父父沒以悲死子崢入太學孫皆業儒

尤氏王玉環妻夫亡氏年廿六矢節撫遺腹子上林成立

朱氏陶玉明妻夫卒氏年廿七矢志不貳撫子承祖如錦成立苦節五十四年孫曾林立

申氏張獻之妻事翁姑以孝稱夫卒氏年三十二茹藥丸熊撫五子二女教以義方無不成立今年八十五四世一堂

徐氏太學生蔡蔚妻夫亡氏年廿一生子甫十七日

氏立志堅貞撫子成立苦節四十餘載今年七一

朱氏生員黃灝妻灝亡氏年十九有遺腹三月終夜

焚香祝天祈男嗣後果生子名宮檀紡績以教姑

病告神願以身代及卒喪葬盡禮檀年十六入泮

補增廣生員學院許旌氏曰婦範母型勵節五十

年卒宮檀病肺婦田氏割股入藥而愈後田氏病

次子元煨亦割股不效苦節兩世里人稱之

李氏蔡士雄妻雄誠懋樂善不永其年氏撫兩孤於

襁褓軼軻延師課子卒致名譽前牧魏旌曰松柏

同堅今年七十子三崧國學生嶺歲貢生

徐貞女割肝徐孝子女也幼許鄉民劉百雄子南京

保為妻南京保痘死女長守貞不字閱四十七載

孝節一家里人傳為美談

弘氏黃自修妻素以賢孝稱姑傅氏胃疾幾危氏籲

神割股肉以進立愈鄰人負翁債翁往索氏急止

曰已償矣隨質衣以呈或問之曰彼人素強悍翁

不甘必相傷也凡體翁姑意類如此儒學通報州

牧武獎曰賢孝堪風學憲張獎曰孝起萱幃

洪氏生程垣之妻垣本歙人居梁梁場早卒氏年

廿八矢節撫四子有成年七十

黃氏朱天開妻天開性昏騃氏不以夫病失齊眉禮

夫亡剖面白誓四十年仍處子云

嚴氏劉允懋妻允懋業儒以攻苦早歿氏年廿一止

一女家貧甚與孀婦許氏共誓守節紡績餬口足

不踰閩女嫁而亡撫許子歷數十年嚴晚年以女

工所餘購木為棺許氏疫沒以棺讓之踰數日嚴

繼歿其姪貧且病外甥周純熙歛之嚴苦節六十

二年壽八十三里人哀其苦節後甥孫周本誠走

京師乞邑紳唐麟翔為之序闡幽表節輦下諸巨

公輩各爲詩歌賦贊以表之裝潢成卷尤者載藝
文志

田氏儒學教諭宮必端妻弘文院中書舍人昌宗子
婦也幼端淑有舊家矩矱翁先逝事姑卞氏色養
備至姑多病隨夫拜斗茹素者三年姑病劇禱神
割左股以療得愈閱數年病復舉又割右股療之
姑壽八十有二人稱孝感及姑終哀動閭里墓旁
有田百畝爲富豪所奪脫金飾簪珥以復之永供
祭祀守節二十餘年撫襁褓孤兆羣成立入國學
王氏文學方開美妻夫亡氏年二十一子鳴鳳甫二

齡苦志守節教子讀書二十遊庠爲增廣生後以
人聞得病遂故遺三孫氏又撫孤成立年六十七
終前牧武旌曰行符女則

劉氏少保公孫女州同知俞棫妻夫亡年二十八矢
志不貳勤儉持家孝事孀姑不怠撫孤子耀成立
教以義方入太學有聲氏今壽七十有奇

朱氏朱世臣女秉性純孝父病割股里人稱之長適
儒童葉天位甫二載夫亡氏年二十遺子霖矢節
撫教學憲法拔入郡庠歷今三十七載學勤有撫
九月之遺孩完百年之大節等語

陸氏陳壘成妻夫亡氏年二十矢志撫孤子縉白襁
裸迄於成立訓之以義娶媳徐氏生二子縉又亡
徐誓奉姑守節姑婦共茹荼蓼以撫雙雛又獲成
立閱四十餘年
方氏畢淳如妻夫亡氏年廿九上奉翁姑撫襁褓子
懽生食貧矢志翁姑壽終殮葬如禮子壯授室婦
又亡懽義不更娶方道撫孫閱四十餘年前牧魏
旌曰松筠清操

陳氏劉士虎妻虎隨父卜師任肇慶守備制府委授
封川千總僅轄二十人時海盜聯四巨舶乘風而

來虎曰宜速迎戰至岸則受其毒招一卒自隨躍
小舟手鐵鑿重百觔大呼創敵舟戰數十人盡披
靡後十九人始至凱還制府大喜加賞擢大用在
卽而竟以是役傷力死陳氏時年廿一數千里扶
櫬歸備歷險阻竭盡心力守節撫孤孝事孀姑王
氏閱廿餘年長子宗敬勵志下帷學憲鄧公拔入
郡學次宗敞業儒可謂忠節一門賢孝繼美矣

徐氏浙江提學陸舜子州庠與齡妻也夫亡氏年二
十三絕粒七日翁姑勉以撫幼時子甫五歲氏
仰事俯育崎嶇閩越歸日養殯翁姥手植墳樹課

孤子成明經孫枝蕃茂以壽終
林氏嘉靖壬辰會元春曾孫女夏情宇妻夫沒氏年
十九遺孕產男撫養教訓迄於成立氏壽八十日
觀曾元里人欽之
鄒氏戈弘毅母夫早逝氏苦志撫孤操持冰雪子獲
成立刻以義方歷節數十餘年里人欽服前牧焦
獎以柏操松齡額言
王氏庠生宮弘弒妻夫亡氏年廿一畫已容與夫容
對坐以小同穴之意子女俱殤以姪懋勤爲子撫
之成立苦節四十一年

許氏項氏一以孝稱一以節稱學牒勘云刑部郎中
田敬錫元配許氏榮叨翟莠賢踰雞鳴甘旨晨昏
堂上椿萱交茂蘋蘩錡釜澗濱湘採躬親再查項
氏敬守前型義嫺婦節變遭鳳隱霜天獨雀棲清
志凜松堅雪夜寒筠晚翠崇孝思則許當首錄褒
霜節則項可同登云

解氏繆其襄妻夫亡氏年廿五子甫三歲氏食貧矢
節上事下育子長娶婦六年子又亡遺二孫以蕃
以宣氏又撫而教之今守節二十三年

蕭氏儒童潘鳳巢妻生子喟週而夫逝氏年廿二斷

髮毀容奉上帝下安貧矢志閱今三十二年

杜氏庠生朱賡南繼妻夫亡氏年廿二遺百日孤式

玉氏誓天截髮奉邁姑撫幼子食貧自勵閱今三

十年

陳氏吳儒宗妻夫亡氏年二十僅遺腹一女嗣姪為

治奉翁姑教嗣子守志四十八年今六十七歲

謝氏陳宜公妻夫亡氏年廿九遺二幼子氏孝奉孀

姑慈撫孤幼食貧不悔志節凜然閱今二十二載

任氏繆四瀆妻生男五玉甫過而夫亡氏年廿三夫

志不貳以十指給哺幼奉翁姑教誨倍嘗孀式

玉寬嚴並至壽至七十七歲孫霖雲皆列名庠序

食餼有聲式玉事母以孝稱母沒哀毀號泣感動

路人

徐氏都察院左都御史徐耀孫女貢生朱允彝繼配

也生而純孝淑慧端恭寡言辭嫻閭範孝翁姑如

父母相夫成業克儉克勤凡制事御眾禮法秩然

夫歿氏年廿九撫孤子秀升璧升操機課讀歷盡

水霜脫簪珥以憫婚嫁罄資財以活遺嬰給衣食

以贍親鄰肅內外以嚴家教苦節三十八年俾長

子列成均次子考授州同孫燦亦叨黌序克振家

聲壽至六十有八

魯氏范子榮妻生子日耀三歲夫亡氏年廿九矢志

茹苦教子成立氏疾耀割股以療獲愈前牧魏獎

以節並松筠四字今壽七十一

孔氏邱奎妻夫亡氏年廿八有孀姑及襁褓子衣食

無措氏矢志不移日夜紡績養姑撫子姑以壽終

子亦婚娶

李氏楊江繼室夫亡氏年廿三子士楚甫六歲二女

尤幼誓節撫孤長齋終身倍歷艱苦子女皆成立

閱三十餘年沒時曰吾庶無愧遺囑矣

楊氏王世達妻夫沒氏年廿三茹藥撫孤矢志不

三十年如一日子家棟入太學皆氏苦節之報云

田氏增生蔡哀妻哀歿氏年二十賢孝性成事上馭

下悉有禮撫四子愛而兼勞今苦節廿載前牧魏

旌曰松筠勵節

俞氏吳秉鐸妻夫亡氏年二十九撫三月孤思源移

居父側教思源成立入國學營葬夫及翁姑太翁

姑凡五棺

顧氏金介社妻夫亡氏年廿九遺孤魁六歲氏矢志

守貞孝養翁姑食貧茹苦教子讀書早年入泮苦

節三十四年

顧氏冒明遠妻夫亡氏年廿七子躍龍未週矢節事

翁西庚姑戴氏及繼姑吳氏最孝翁姑沒事必稟

命叔翁天庚人稱有禮卒年七十九躍龍亦卒教

孫與齡成立讀書自愛

朱氏太學生黃霖妻夫亡氏年廿二撫遺腹子矢節

閱今廿一年子名永年魏牧獎曰潔比冰霜

袁氏庠生沈嘉木妻夫亡氏年廿七一子壽焜襁褓

茹藥撫孤克勤克儉守節六十餘年州牧屢欲詳

旌曰吾不為名也壽八十六

顧氏易宗堪妻易以誦讀致疾卒氏年廿二

孤純臣教以義方早入庠序文譽翕然閱今三十

餘年

朱氏太學生繆琮妻夫亡氏年廿九撫教五子勤儉

矢節今年六十五長子咸入太學餘皆成立

丁氏陸之槃妻夫亡氏年廿四守節子祖贊成立

娶婦薛氏贊又亡嗣子大展姑婦共砥苦節教展

入泮丁年七十二薛年六十一前牧王獎曰嚴

冰淨

楊氏江夢生妻生三子夫早卒長次子俱夭凶歲絕

食煮麥餉兒已則耽飢守節五十年壽八十長子
之瑞娶李氏子早亡遺腹子永益娶王氏永益又
卒遺子榮先王氏效祖姑節苦守三十五年

陳氏于德陪妻夫卒氏年廿九上有兩代翁姑下遺
四子一女氏事上極孝迨太翁姑棄世翁姑猶存
孝養更倍于昔撫教子女慈嚴並至日夜紡績以
供事育今婚娶已畢歷三十年冰雪備嘗遠近稱
焉

田氏增生俞颺妻孝事翁姑敬相夫子颺早逝乏嗣
翁姑復相繼歿氏慟幾死一切棺殮祭葬悉中禮

撫育幼嗣不啻已出守節近三十載前牧魏旌曰
冰心玉節

楊氏羅 妻夫亡氏年廿六撫二子苦節閱五十
年長子繼文早卒婦葉氏年廿八矢志不易撫三
子成立長克純國學生今壽七十二

戚氏王盛甫妻夫亡氏年廿六孝奉翁姑矢節不易
艱苦倍嘗守志四十五年今七十一前牧魏獎曰
節孝齊芳

陸氏太學生蔣甸妻夫亡氏年廿一撫孤守節奉孀
姑極孝前牧魏額曰節孝可風無何子又亡氏撫

子婦幼孫食貧茹淡子婦俞氏亦效姑苦志歷三十
十年人謂一門雙節

周氏侍御俞鐸副室俞分廵口北嫡張氏早卒氏治
家嚴肅俞以王事卒於任氏年廿七子澄甫六歲
氏同嫡子演扶襯歸澄又孀遺孤二人氏教育之
皆補弟子員年七十九

陸氏江子雅妻年十七歸江夫癩疾不起飲食藥餌
氏必躬親簪珥盡鬻號泣極哀夫卒無子且貧有
風其改嫁者謝曰我命孤苦不想過好日子也始
依邁翁翁卒依兩叔針指度日垂三十年

周氏名嬌細民女也年十六嫁薛麻子薛客死江湖
無子外乏親戚氏不嫁曰婦人身體不可再靠人
也賃屋以居織莞蓆餬口至今皤然白髮矣

韓氏徐尚秀妻徐故氏年廿七長子敏七歲次儀五
歲季忠三歲衰姑周年七十五食貧矢志拮据女
紅事姑十餘年如一日及沒喪葬成禮教三子成
立守節四十二年卒州牧褚獎曰代子兼師

唐氏太學翟士仁妻孝事舅姑敬相夫子夫亡氏年
廿五守節撫孤元泰成立今入國學壽六十五矢
志四十年前牧魏旌曰筠節松齡學正徐旌曰松

貞柏壽

唐氏附監易理妻夫亡氏年廿九上事孀姑以婦代
子不課諸男以母兼師足不踰戶外孝節爲宗黨
交稱今三十餘年

張氏邑廩生張廷瑞女事父母孝長適太學宮雲宗
孝翁姑敬夫子夫以勤學成疾卒氏年廿九矢志
守節撫教孤子慕琦文行卓然諸孫克承家學守
節三十六年壽六十五

繆氏太學朱之揖妻夫沒矢節撫二子辛勤茹苦教
以讀父書支持門戶克承先業今三十餘年長子

綬入泮次子奕煥有文名

蔡氏貢生蔡觀女性貞淑內外皆以賢稱適庠生繆
秉忠事翁姑誠敬夫逝氏年十九矢節撫孤子棟
茹荼封髮足不踰闕三十餘年翕然稱之

蔣氏沈日正妻夫逝氏年廿一家落年凶荼苦備嘗
紡績資生撫三子成立氏年九十前牧武旌日寒
月機聲額言後二歲卒

陳氏太學曹守鄴妻庠生陳澤弘女夫亡氏年廿五
子臺甫二週守節事孀姑疾籲天剖股獲愈撫孤
課讀以母兼

顧氏年十三喪母值父漢珮 危焚香告天割股投藥密伺父服越日病起長適周純熙親操井臼孝事翁姑相夫敬戒持身恭讓生二子教以中正壽七十七

王氏進士徐我達之配徐故氏年廿九子幼家貧氏撫養教訓皆入鄉國學苦節至九十二忽病第五子國學徐鴻磐妻柏氏刲臂死一門節孝至今過其墓者皆稱之

劉氏劉金秋女文士科妻夫亡遺三幼子氏年廿八冰槩自矢屢值歲荒紡績以供衣食翁姑及夫三

柩在堂拮据殯葬教三子皆成立州牧褚獎曰筠節松青

翟氏許奉瑩妻夫亡氏年廿五撫五男一女家貧歲早取給十指苦辛百端壽七十孫六曾孫十二人三子君植婦李氏亦年二十矢節孝事孀姑撫孤子熊兆成立州牧褚獎曰歐柳遺徽

許氏單玉妻年廿九夫亡撫二子啓登啓元勤儉持家八十一歲時蒙 恩賜粟帛啓登妻周氏年三十夫亡撫子永芳奉姑矢志今有三孫州牧褚獎曰一門雙節

汪氏徐龍 夫亡氏年廿八撫八歲孤守節五十
 餘年州改柯獎曰皓首完貞
 華氏儒童王令望聘妻王沒訃聞氏親哭其屍執杖
 成禮自是不歸母家矢志不改立嗣叔子承苦食
 貧紡績閱三十餘年內外無一間言聞者欽之
 朱氏卞玉質妻夫亡氏年廿五奉翁姑撫週歲子孝
 慈兼盡子長生孫子又亡氏復撫孫守節四十年
 學憲張獎以貞節州牧武額曰慈節可風
 翟氏智有經妻夫亡矢節孝姑撫子壽八十四前牧
 柯獎曰白璧清操

楊氏中翰張道乾妻名文珮年廿七夫亡砥節

五年雍正二年儒學牒州詳請旌獎勸詞
 性歷冰霜而柯秀枝榮金玉其相遘磨涅而
 澤潤東海泣鮫人之泪萬苦竟伸其操北風
 女之花百折不移其志堅貞既符乎年例與
 切於播揚等語氏妹文瑛因母病不嫁後母
 戶部主事巴格夫亡與姊同節

可勝主事... 世... 文... 對... 批... 正... 因...

賢淑

袁氏南康太守九深公女孫檢討宮偉鏐元配警敏
過人德有其才遇事必先幾洞悉非里巷淺見所
能及事姑潘恭人先意承旨以色養鏐優游林泉
歷四十年氏黽勉有無不惟安之而有以成之知
大義動以禮自處逮下之惠誠有如樛木所咏者
教子若孫不嚴而肅以子夢仁貴封安人累贈一
品夫人

李氏興化李文定公五世女孫大中丞夢仁元配性
方嚴甘淡泊事舅姑善承意旨凡一言一行得于

舅姑者雖纖悉必遵不敢忘方中丞應試京師往來廿載居行耗費悉氏拮据支持操家若食貧婦一切家政皆井井有條以母兼父教子若女有成下逮臧獲能容宥其小失雖遇中丞盛怒必曲爲之解中丞官御史聞啟之惠婦亦嗟木泚利來奏必進曰職掌固然萬勿損他人安自己且謂如之天顏咫尺勿似居恒戇直不認錯也比巡城中丞秉燭起氏每強起丁寧刑毋深刻長存不忍之心爲後人積德後抱沉疴以聞姑袁太夫人訃一慟卒于署累贈一品夫人

仲氏俞太史梅之生母也性婉淑喜儉素課子最嚴族黨皆稱其賢梅兩擢魏科出入禁苑鄉人榮之氏獨誠論諄切逾於未發時

仁皇南巡梅適充維揚詩局纂修官

天語詢家世

宸翰書畫永承恩四字令內侍傳

旨云編修俞梅之母賢孝可嘉特賜與匾額梅歸建

宸翰樓

萬壽覃恩封太安人今登八表

俞氏名稱文繆司空沅配也父楷博學篤行工詩文

御試高等內廷纂修出爲華亭教諭母劉孺人工
書法通經史引古賢女日夕訓誨氏遵家教事異
資政公孝謹相夫理家和平恭儉植福深厚有柳
顏懿範司空宦京師諸子年俱幼氏以母兼父師
自學舍歸隅坐讀書一燈熒熒督課夜分弗倦年
未三十而歿諸子服懿訓先後成名雍正二年遇
覃恩贈夫人

王氏山東提學副使孟津王公鑰女奉直壽平公元
配事翁姑以孝相夫子以敬時翁夢仁貧宦氏三
切奩資悉以上翁姑氏早卒繼配張氏性有常

無疾言遽色姑病湯藥嘗奉必親假寐不離側遭
夫姑憂盡誠盡哀時三子年方總角嚴爲課督以
至成名稱未亡人者三十二年每坐堂中必東向
如對生存前母有弱息氏撫如已出中丞晚育幼
子氏以嫂代母教養備至弱冠中丙午副榜自中
丞歷宦以及家居皆以家政委氏悉綜理有條以
其身爲子爲婦爲母爲師其德可謂女士矣皆以
子翼宸雖貴累贈宜人

陸氏太史張符驤妻學憲舜孫女生三月父沒祖母
向宜人及其母徐極珍愛之時氏祖歷官齊越家

頗華廡而氏天性端靜絕無宦家習年十八于歸張世爲諸生無家人產氏黽勉孝養舅姑得其歡心姑嘗笑謂人曰古人云娶婦必須不若吾家者今吾反于勝吾家者而得此賢婦也氏盡廢奩具爲夫助剗刷貲張好結納四方賓客至者氏脫簪珮恐後御姬妾以恩禮有樛木逮下之風焉以

覃恩誥封孺人

蔣氏雲貴總督常熟蔣公陳錫女舍人雖元配也性柔順事太翁中丞公姑張宜人皆得其歡心雖官京師氏以姑張宜人有夙疾不忍行獨居奉姑朝夕不離側以逮姑沒者八年

覃恩封孺人

王氏進士都閩劉卜師配幼事嫡母極孝逾于生母父病足晝夜涕泣侍奉湯藥百日不倦于歸後相夫成名叔姒有夫婦皆亡而遺幼女者氏撫之如已女悉以宦橐爲奩資隨任粵東庶弟沒於道氏殮之而歸其喪內外感之康熙五十二年恭遇

覃恩誥封宜人晉階恭人今其子遴孫宗敬名列國學郡庠

陳氏庠生田嶠生繼妻氏天性婉淑篤孝翁姑嶠生

苦志下帷博覽羣書食餼有聲氏篝燈佐讀人稱
桓孟夫卒矢節二十餘年葱蓄臧獲莪周貧乏訓
子有則有方試輒冠軍言賢母者又多以氏為法
焉

宮氏太史偉鏐孫女明經雲宗女田進士廣運元配
也于歸時姑先歿姑亦宮出氏以侄女為新婦痛
不及親事之廣運家適貧氏治女紅易餐飯以奉
其翁嚴冬十指為皴裂翁或盛怒必跪以請俟稍
定方起翁久之為意解嘗語夫曰君祖進士君何
遽不為進士耶勸學二十年不懈卒成其志初廣

運出繼其伯敬錫錫喜曰汝有賢婦勵汝學且以
事姑者事翁也吾亦豈有他望焉時姑許氏亦先
歿氏如敬錫公所期兩家無間言族黨以為難廣
運乙酉校書 內廷氏課子雲鶴益嚴雲鶴讀書
喜旁涉氏從窓中攬得玉茗還魂記恚曰若欲為
真才子耶吾但願汝作假道學耳臨歿時聞夫捷
促雲鶴至枕前曰汝父捷差償我願但恐長汝驕
氣也目旋瞑廣運終身不更娶以哀其志雲鶴為
大中丞張漢陽公所知嘗品其文曰意必造奇語
不經人道蓋閨中之督率與庭訓相助云

卷之六
繆氏朱士楷妻溫良淑慎有桓孟風楷早沒氏飲水
茹蘖教育藐孤底於成立冢子明經仲子賡南首
拔於遂寧張公有聲庠序皆先後下世氏復以課
孫爲務毫無怨尤年今八十有九孫二人相玉國
學候選州同知式玉業儒

張氏徐鳳生妻事翁姑孝處妯娌和夫堂弟篤生沒
無子婦周氏矢節不貳氏感之曰我若生子必繼
爾夫決不食此言閱五年果產男氏欣然以嗣周
氏相處多年無間言子名漢以周氏節請
旌建坊立祠張後又生三子多孫人謂其賢淑之報

云

丁氏楊森楊椿之母幼熟經書性情端靜孝父母事
夫澍勤儉勉操中饋供酒漿半出針指澍卒遺孤
尚在襁褓氏清苦矢節凶歲食常不充而事上育
下不少缺及子長無力延師凡所讀書多出氏口
授日夜有課程不及程則痛哭嚴懲戒毋輕言笑
亂步趨令森食餼椿名噪膠庠

劉氏王軾妻軾家世清宦無腴產氏佐以釵環之資
家遂豐裕生六子十三孫遊雍序者甚衆今年十
月壽九十歲猶清健如常

黃氏癸卯舉人秦定遠母以賢孝稱自少至老不苟
言笑惟持家課子有陶孟風年登九十有七合肥
李文定公爲之旌額曰百歲人仙

周氏潘文選妻敬孝姑嫜鄉里以賢淑稱夫中道沒
矢節撫子成立前牧魏獎曰節孝流輝道憲康獎
曰松茂蘭芳

蔡氏儒童沈之模妻孝女蕙胞妹也夫亡子天立嗣
子煌愛而兼勞視若親生孝事翁姑慈馭臧獲以
及恤鄉里睦宗族閭巷中皆稱道之今年近五十
苦節歷三十載

琅妻

言朴訥事舅姑敬慎夫家中落食

案

孟風夫亡諸子幼氏痛欲死養而兼

教知次子成勤幹有爲卽令之 京効力求名州
大水衣食不給終不召子歸 迎養數年復還夫
弟無依命子養殯從厚後成官廣州遇

覃恩馳封孺人

陳氏海寧思南守陳祺永女光祿寺典簿宮翼宸妻
事姑孝姑疾寢興依左右事夫敬夫有目疾經年
氏百計禱求至誠所感目愈如初生一子一女年
三十卒里人賢之

徐氏文學陳觀光妻光早卒父母亦相繼而逝氏獨力殯三喪婚嫁子女皆有條理寡言笑謹儀容閉戶紡績守志四十年

高氏河南魯山縣令高鼎猷次女秉性端莊不苟言笑初適陳鑽未及終旬郎操持家政奉事兩姑如所生相夫以德睦妯娌以禮奴婢侍妾馭以恩閨門中不答撻聲閭里咸稱賢孝焉

葛氏癸丑進士張琴妻生而賢淑氏父成輔晤琴于維揚賞其文曰此大器也因以氏妻之氏端恪守婦訓事繼姑馬以孝聞家貧紡績佐夫讀書成名

夫逝撫庶出子女踰于親生孫曾四世數十人悉秉氏教閨門肅如年八十有二季子音婦劉氏亦能通書史守禮義躬操井臼以事姑雖叠遭歉歲而黽勉有無不疎甘旨治家嚴肅持已端莊里人謂其有姑葛氏風

朱氏隱士俞允瑄妻瑄字宣人純孝好學撰有明德篇致知錄二書少貧娶朱氏得內助家少豐三十歲方得子名維植宣人卧病五年劇時囑氏曰予生一子望其成人吾身後可將吾所撰二書時時課之勿負吾志遂卒維植甫十二歲氏延師課

訓每令夜讀紉刺督之子倦氏必述古聖賢孝弟忠義之事警醒告誡以勵其志閱十年凡言動步趨無不求其方正其教育之嚴如此年五十四卒里黨莫不播其壺德稱女丈夫焉

朱氏明經陳仍之妻給諫陳忠靖家媳氏產名家嫻女誠歸陳克修婦道奉舅姑誠孝飲饌必躬治精潔夜則篝燈紡績以佐夫子以故仍得一意舉子業一試棘闈長子陳閏年十三入郡庠以夫先逝每晨起必號泣櫬前三年無間因此致疾年六十一卒

韓氏兵巡道崔之四妻性溫恭知大義年十七歸之四時四復兄仇累年于外後赴滇勤王事氏獨力操持閨門之內肅若冰霜事太姑曲盡孝養與孀姆杜情愛倍篤待孤姪爾復如親生杜卽廩生之一妻也一死仇時爾復方一歲杜篤志守節教以義方衣帛茹素終身未見喜色氏愈敬禮之卒同撫遺嬰有成鄉里兩賢之

劉氏中翰候補府佐朱光巒妻前甲辰進士任江西崇義縣劉玉少女生而穎慧甫三歲父口授毛詩及禮記內則諸篇卽解大義年十五適朱四教七

誠靡不周知能事翁姑相夫子御下以寬待眾以禮女紅外聞涉書史或吟小詩有林下風味年六十有六

田氏庠生沈兆隆妻賢孝聞于鄉里訓四子以義皆遊庠壽九十三人又以賢母稱

沈氏貢生朱玉綸妻事翁姑以孝相夫以勤課子以義下以慈壽八十一

陳氏邑庠生唐日章妻相夫黽勉持家勤儉早年夫亡惟教子讀書守先人訓子四人仲子麟書增廣

生孫枝蕃茂氏食飴弄孫年登九十有

蔣氏廩生文名世妻年十六適文姑患氏口吮膿

血獲愈數載姑歿遺兩幼叔氏撫養訓課遊泮各為婚娶相夫讀書著述頗繁三十五歲卒里人悼

其賢淑長子治次藻俱能文同列州庠

陳氏王心齋七世孫明經王鳳藻妻幼割股救親長而持家相夫子山斗入庠序長女適房門次女適

張門幼俱割股救母娶婦陳氏亦能割股救翁

王氏庠生相宜女太學生陳志球妻端莊和靜孝翁姑睦妯娌處豐嗇順逆從無間言夫病風痰臥床

三載艱於言語氏竭心力購參苓衣不解帶多方

調劑夫疾獲愈歲荒家貧百計輸稅課每午夜挑
燈伴子吟誦責以遠大性好施予分食分衣往往
有之子纘書紳紱廩膳生次子纘領鄉薦壽今七
十九

陳氏邑庠生徐之銳妻事舅姑孝姑羸疾卧床氏抱
持乳哺登耄耄小姑適顧早寡氏迎婦垂四十年
俾全節終姪流落收育之徐好積善有餘陰濟貧
乏嘗見雪中殭者苦無以濟謀諸氏脫纏臂資焉
育棄嬰施義塚戶生芝草教子從賢士遊醫衣留
客不解里中

此長子泌弱冠受知學

鄧殿撰入州庠次禮季澍俱業儒

繆氏歲進士陳志襄妻賦性端嚴相夫以德建祠修
史嘗脫簪珥以資匱乏子綬弱冠食餼旋授中翰
蚤卒夫繼逝復督兩孫秉鈞鑽肄業成名年近九
十健順如常人士咸稱爲賢壽云

鄭氏振海女年十五適貢生張應祚孝敬慈和嫻於
婦德鄉里賢之祚慷慨喜施氏常脫簪珥助之祚
卒氏年廿九守節撫孤閱四十年操持勤苦子孫
多入庠序

魯氏宮懋猷之母事嫡恭謹嫡韓氏疾魯氏禱天請

代割股以進疾卽愈生子懋猷克紹家學州人咸以爲恭謹之報

孫氏廩貢中書陳綬妻事翁姑以孝稱夫早亡子孱幼氏矢節事上育下足不出戶者二十餘年長秉憲入泮卽亡子婦俞氏年甫二十感姑勵節亦嗣姪韶武矢志侍姑焉

易氏太學生林滋妻滋閩人唐孝子林欝由進士授福唐尉母卒廬墓有甘露白鳥之祥及卒德宗降詔旌表題其墓曰唐孝友林先生墓明時遷泰元孫爾共娶宋氏事孀姑奈氏極孝生滋娶易氏甫

十八歲孝事翁姑及太姑扶持奉養不倦二子一女夫早沒氏延名師紡績以供守節三十五年長子棟太學次枚次相俱業儒有三孫

戈氏太學生陳芄妻嫁年十七時伯母周氏早寡無嗣氏孝事舅姑兼事伯姑姑戴足疾氏嘗藥禮斗求代者三年姑夢中忽覺有人撫其足痛旋止里人謂氏孝格氏出望族父崑玉生子遊庠而絕氏迎養於家及卒慮祭祀不常置買張家堡建塋禮葬祔兄於側墓樹陰翳復以族姪女爲次媳令世世展禮戈墓教子讀書立品後媳戈氏克盡孝道

氏臨終曰媳孝吾必體吾志助夫母忘外家享祀
吾心慰矣卒年六十一

朱氏瞽者華盛先母先早年失怙氏撫瞽子而育之
子年七十有二而氏卒時氏年九十有九
其未及百齡而惜之

紀氏太學易珩妻相夫持家姻婭奉為壺範夫沒撫
教一子以成立

江氏徐龍津妻生而端慎適徐孝舅姑相夫子夫沒
矢節壽至八十有二閱五十餘年子婦朱氏申氏
守志教子人謂一門節孝

蕭氏翟士賢妻適翟天性孝友居家克勤克儉未幾
夫亡氏守節九熊盡荻教子義方今其子皆有聲

庠序

張氏庠生錢柱妻夫故氏年廿八撫二子孝事
姑篝燈課子苦節三十五年

房氏許字周曹氏許字鄧俱未適房歸兄七十卒曹歸
毋家醴粥不給女紅自養毋病封股療愈剪髮易
未雙瞽死鄉人稱之貞節云

魯氏費永昌妻正德丙子孝廉費曾元孫婦孝敬翁
姑翁病疾割股以療愈夫沒氏年二十二矢節教

子成立今年八十六受 恩賜粟帛子孫蕃衍

未幾移家入

我寒飢寒不餘矣遂自焚母氏泣血哀鳴

武元高子思曾九月半將母未幾思積只十

成

年九月

年

夫寸丸字有衣熱舊巷始千餘代今其二

爾久盛士覽妻嚴嚴天卦奉文武宋京臨

